


39

CHINESE-JAPANESE COLLECTION
HARVARD COLLEGE LIBRARY
FROM HARVARD-YENCHING INSTITUTE

SEP 15 1933

T9297.1100 B.





合秦文者。斯作蒼頡篇。中車府令趙高作爰歷篇。和
史令胡毋敬作博學篇。皆取史籀大篆。或頗省改。所
謂小篆者。或曰。下土人程邈爲衙獄吏。得罪始皇。幽
繫雲陽十年。從獄中作大篆。少者增益。多者損減。方
者使負。負者使方。奏之。始皇善之。出以爲御史。使定
書。或曰。邈所定乃隸字也。自秦壞古文。有八體。一曰
大篆。二曰小篆。三曰刻符。四曰蟲書。五曰摹印。六曰
署書。七曰殳書。八曰隸書。王莽時。使司空甄豐校文
字部。改定古文。復有六書。一曰古文。孔氏壁中書也。
二曰奇字。即古文而異者也。三曰篆書。秦篆書也。四

國書館藏
和

曰佐書即隸書也。五曰繆篆，所以摹印也。六曰鳥書，所以書幡信也。及許慎撰說文，用篆書為正，以為體例最可得而論也。秦時李斯號為工篆，諸山及銅人銘皆斯書也。漢建初中，扶風曹喜少異於斯，而亦稱善。邯鄲淳師焉，畧究其妙。韋誕師淳而不及也。太和中，誕為武都太守，以能書留補侍中。魏氏寶器銘題誕書也。江式曰：當時臺觀勝題寶器之銘，悉是誕書。世說：魏明帝起殿，使誕登梯題勝，既下頭鬚皓然。因教子孫勿復學書。漢末又有蔡邕，采斯喜之法為古今雜形，然精密閑雅，不如淳也。法書要錄曰：李丞相見其無骨，蔡尚書入鴻都觀，中十句不返，嗟其出群。邕作篆勢曰：云云。揚波振

小學

擊鷹時鳥震籀，誦拱手而鞞翰。云云秦既用篆，奏事

煩多，篆字難成，即令隸人佐書。曰隸字，漢因行之。獨

符印璽幡信題署用篆。隸書者，篆之捷也。上谷王次

仲始作楷法。至靈帝好書，時多能者，而師宜官為最

大，則一字徑丈，小則方寸，千言甚矜其能。每書輒削

而焚其柎，梁鵠乃益為版而飲之酒，候其醉而竊其

柎，鵠卒以書至選部尚書，宜官後為索術將，今鉅鹿

宋子有耿球碑，是術所立，其書甚工。云是宜官也。梁

鵠在秘書，以勤書自効，是以今者多有鵠手跡。魏武帝以

為勝宜官，今宮殿題署多是鵠象鵠宜為大字。

萬曆丁亥年

三母長白

監生汪守魯刊

邯鄲淳宜為小字、鵠謂淳得次仲法、然鵠之用筆盡其勢、鵠弟子毛弘教於秘書、今八分皆弘法也。漢末有左子邕、小與淳鵠不同、然亦有名。魏初有鍾胡二家、為行書法、俱學之於劉德升、而鍾氏小異、然亦各有巧、今大行於世。晉荀勗領祕書監、立書博士、置弟子、教習以鍾繇胡昭為法。作隸勢曰、蠲彼繁文、崇此簡易、云云。齊周顒得衛恒散何胤以創薙書求換之漢興而有草書、不知作者、姓名至章帝時、齊相杜度號善作篇、後有崔瑗、崔寔亦皆稱工。杜氏殺字甚安、而書體微瘦、崔氏甚得筆勢、而結字小踈、弘農張伯英者、因而轉精、甚巧、凡家之衣帛、必書

小學

而後練之、臨池學書、池水盡黑、下筆必為楷、則號恣、恣不暇、草書、韋仲將謂之草聖、伯英弟文舒、次伯英、羅叔景、趙元嗣者、與伯英並時、見稱於西州、故英自稱上比崔、杜不足、下方羅、趙有餘、河間張超亦有名、然雖與崔氏同州、不如伯英之得其法也。崔瑗作草書、勢曰、抑左揚右、望之若崎、竦企鳥峙、志在飛移、應時諭指、用於卒迫。唐志崔瑗飛龍篇篆草勢合三卷初學記崔瑗草書體云、書體之興、始自頡皇、馮被鳥跡、以定文章、爰暨末葉、典籍彌繁、惟作佐隸、舊字是刪、草書之法、蓋允簡畧、兼功并用、愛日省力、純儉之變、豈必古式

成公綏隸書體云蟲篆既繁草藁近偽適之中庸莫
尚於隸規矩有則用之簡易八分璽法殊好異制鍾
氏隸書勢云煥若星陳鬱若雲布鮑照飛白書勢云
云蕭子良古今篆隸文體有藁楷蓬懸針垂露飛白
填奠鳥虎爪偃波鶴頭書象形尚方大篆鳳鳥科斗
蟲龍虎仙人芝英十二時倒薤龜麒麟金錯蚊脚書
凡數十種皆出於六文八體之書而因事生變 王
愔文字志懸針小篆體也倒薤小篆體也八體書亦
圖此法或云出曹喜金錯書曰八體書法不圖其形或云以
銘金石垂露書如懸針也 羊欣筆陣圖云蕭何善

篆籀為前殿成又蒼龍白虎闕以題其額使禿筆書 本朝
任玠序范度五體書文五體曰篆曰八分曰真曰行
曰草其體雖五其流唯三篆則統乎科斗玉筋垂露
薤葉大小之屬也隸則統乎羲獻鍾庾歐虞顏柳真
草之輩也八分則酌乎篆隸之間通是三者可冠群
書

孔安國書序科斗書廢已久時人無能知者定其可

知者為隸古定疏就古文體而從隸以定之雖隸而

猶古隋志自蒼頡訖漢初書經五變曰古文蒼頡

大篆史籀小篆李斯隸書程邈草書漢初秦廢古文

始用八體漢以六體教學童并葉書楷書懸針垂露飛白偃波鶴頭芝英倒薤等二十餘種之勢皆出於上六書因事生變也魏世有八分書程迥曰八分始於漢初王次仲

唐六典書學注字體有五一日古文廢而不用二

曰大篆惟石經載之三曰小篆印璽旂碣所用四曰

八分石經碑碣所用五曰隸書典籍表奏公私文疏

所用唐志古今八體六文書法一卷古來篆隸詁

訓名錄一卷庾肩吾曰隸書今之正書也張懷瓘

六體書論亦云隸書者程邈造字皆真正亦曰真書

自唐以前皆謂楷字為隸至歐陽集古錄誤以八分

小學

為隸書自是凡漢石刻皆目為漢隸東魏大覺寺碑

題曰隸書盖今楷字也晉索靖傳與衛瓘俱

善草書作草書狀曰婉若銀鉤漂若驚鸞楊泉草

書賦惟六書之為體美草法之最奇杜垂名於古昔

皇著法於今斯說文注按書傳云張竝作艸又云

齊相杜操作

漢書安恩國旁行為書記顏氏曰今西方胡國南方

林邑書皆橫行不直下也隋志後漢得西域胡書

以十四字貫一切音文省義廣謂之婆羅門書志一

晉王羲之書

本傳羲之字逸少善隸書筆勢飄若浮雲矯若驚龍
宴集蘭亭自爲之序寫道德經每自稱我書比鍾繇
當抗行比張芝草猶當鴈行也羲之書初不勝庾翼
郗愔暮年方妙以草草荅庾亮而翼深歎伏云吾昔
有伯英章草十紙過江亡失常歎妙迹永絕忽見足
下書煥若神明頓還舊觀子獻之工草隸嘗書壁爲
方丈大字議者以爲羲之草隸江左中朝莫有及者
獻之骨力遠不及父而頗有媚趣制曰書契之興肇
乎中古繩文鳥跡不足可觀末代去朴歸華舒綫點
翰爭相誇尚競其工拙伯英臨池之妙無復餘蹤師

小字

宜懸帳之奇罕有遺跡鍾王以降畧可言焉鍾雖擅
美一時亦爲迥絕論其盡善或有所疑至於布織濃
分踈密霞舒雲卷無所間然但其體則古而不今字
則長而逾制獻之雖有父風殊非新巧字勢踈瘦筆
蹤拘束于雲近出擅名江表然僅得成書無丈夫之
氣行行若榮春蚓字字如縮秋蛇此數子者皆譽過
其實詳察古今研精篆素盡善盡美其惟王逸少乎
觀其點曳之工裁成之妙烟霏露結狀若斷而還連
鳳翥龍蟠勢如斜而反直心慕手追此人而已梁
蕭子雲云著晉史至二王列傳欲作論草隸法言不

萬曆十六年

監生馮自可刊

盡意遂不能成畧指論飛白一事而已見敕旨論書一卷商畧筆狀洞徹字體始變子敬全範元常逮爾以來自覺功進 梁武帝評羲之字勢雄遠如龍跳虎臥

衛夫人筆陣圖曰若初學書先須大書不得從小善鑒者不寫善寫者不鑒多骨微肉者筋書多肉微骨者墨豬多力豐筋者聖無力無筋者病一二從其消息而用之 國史志筆陣圖一卷聲韻圖一卷不知撰人

晉鳳尾諾

小學

陸龜蒙說鳳尾諾曰自晉訖梁陳以來藩邸之書也凡封子弟為王則開府辟僚屬取當時士有學行才藻者中是選其所下書東宮則曰令上書則曰牋諸王下書則曰教上書則曰啓應和文章則應令應教下其制一等故也其事行則曰諾猶漢天子肯臣下之奏曰可也晉元帝為琅邪王時帝羨其才令通習外事常使批鳳尾諾南齊江夏王鋒年五歲使學鳳尾諾下筆便工帝大悅以玉麒麟賜之餘未見其出鳳尾所諾牋之文若今批卷

唐志皇太子令書左庶子畫諾至道元年詔改諾為

準九月二十二日崇文院言按唐會要貞觀十九年高士廉劉洎等請定皇太子與百官書疏體式詔凡處分論事之書太子並畫諾令左右庶子已下著姓名宣奉行書案畫日其餘與諸親及師傅等不在此限

齊王僧虔書賦

王僧虔傳齊高帝示僧虔古迹十一卷就求能書人名僧虔得人間所有卷中所無者吳大帝景帝歸命侯桓玄書及王導洽珉張芝索靖衛伯儒張習共十一卷奏之僧虔著書賦儉為注序宋孝武欲擅書名僧虔不敢顯跡僧虔答高帝曰臣書臣中第一又曰臣正書第一草書第二又上羊欣所撰能書人名一卷賦

小學

見藝又類聚云手以心麾毫以手從

梁五十二體書

百體

五十六體

周子雲五十二體書一卷庾肩吾書品一卷

魏受詔

齊王融圖古今雜體六十四書

法書要

章仲定為九十一種謝善勛增九法合成百體

覽度元成論書曰書十牒屏風作百體懸針畫雲秦

望波象金鸞玉文鸞頭虎爪倒薤偃波楷信制列可

月風雲科斗署胡遂相天生轉宿書一筆篆一筆隸

飛白章草古文隸橫楷小科芝英花草楷信鐘鼓隸

萬曆日癸未補刊

龍虎鳳魚麟仙人科斗雲蟲魚鳥龍龜元書篆龍
虎鳳魚麟仙人科斗雲蟲魚鳥龍龜元書篆龍文
龜文鼠牛龍書虎草書元書龍蛇草鳥羊猴為犬豕
言復有大小篆銘鼎摹印刻符石經篆形篇章書
到言反左書等及九體書所謂雜素簡奏歲表行狎
檄高半草全草書此九法極真草之次第刪拾之外
所存獨一百二十體 書斷卷二張懷瓘篆籀八分隸章
草飛白行書謂之八體而右軍皆在神品 百葉書抄
晉徐安子五十六體書勢一卷 墨數五十六種書太
吳作龍書神農作德書黃帝以金命頡烏跡為篆書因弊

雲見作雲書少昊作金天鸞鳳書高陽制

辛作仙人形書堯作龜書夏后作鍾鼎書

虎書 佚史鳥官 周文赤雀銜書武填書 周姓大

及書 武記及 小篆 周仙人篆 改 李斯 麒麟篆

宿書 真書 魏朝 傳信書 小篆 刻符書

署書 籀 詁 二 題 篆書 辨氣 候書 相 為 芝

錯書 尚方 大篆 雜 鶴頭 偃波書 雜 散 脚

露書 針篆 漢 曹 童草 趙伯 飛白 篆 筆書

仲書 地書 總 行書 經書 小篆 雜 雜 雜

麓爪書 行 隸 王 義 八體書 王 虎爪書 王 魯

萬曆庚辰未補刊

花言明東山外國胡書天生書 雜類百體云居

用虎爪書告下用優波書謝童詔板用端牌書

讀快眼腰疑註詞論書壹初學用號韻精 書目于僧

慶評書一卷梁武帝評書一卷自種經至 鑿其書

書品一卷唐志集草隸者一百二十八人 以張芝

居首品為九例又述書後品二卷瑯 攔元神七款唐

虞世南筆髓法一卷一辨意二指意三釋真四釋行

五釋草六藝妙七勸學李嗣真書後品一卷 梁千字文

請語真觀諷盼十等格楊 續書

小書

唐志周興嗣次韻一卷 興嗣傳次韻王羲之書千字

嗣次韻蕭子範千字文一卷 南平王使子範製

志蕭子雲注千字文胡肅注并篆草書各一卷 演千

字文五卷

梁武帝制千文詩沈衆為注解 隋潘徽為萬字文

及韻纂三十卷 智永草千文

宋朝太宗謂近臣曰千文蓋梁得鍾繇破碑千餘字

周興嗣次韻而成詞理亡可取

梁玉篇 祥符新定玉篇

隋志陳左將軍顧野王玉篇三十一卷 今本三十

隋志 丙辰年 玉每卷四十五

卷梁大同九年三月二十八日黃門侍郎顧野王撰序曰五典三墳競開異義六書八體今古殊形或字各訓同或文均釋異總會衆篇校讎群籍成一家之製始於一終於亥凡五百四十二部梁簡文以玉篇體與學士刪改唐上元元年甲戌四月十三日孫強增加字舊一十五萬八千六百四十一言新五萬一千一百二十九言總二十萬九千六百七十言注四十萬七千五百三十字卷末分毫字樣凡二百四十八字附以沙門神珠五音聲論四聲五音九弄及紐圖序志僧慧力像文玉篇三十卷陽甯公釋處忠撰韻譜和祥符三年二月己酉太常博士丘雍上篇韻筌蹄三卷六年九月學士陳彭年校理吳銳真集賢院

小學

丘雍上準詔新校定玉篇三十卷崇文目請鏤板詔兩制詳定改更之字天禧四年七月癸亥板成賜雍金紫

後魏字統

北史陽尼造字釋數十篇未就其從孫承慶撰為字統二十卷行於世

隋韻纂

桂苑珠叢

切韻

隋潘徽傳秦王俊召為學士令為萬字文撰集字書名曰韻纂三十卷序曰羲皇觀象緯而法天史頡察蹄迹而取地小學之家尤多舛雜文訛篆隸音謬楚

夏三蒼急就之流微存章句說文字林之屬唯別體形末有李登聲類呂靜韻集始判清濁纒分宮羽唐曹憲傳仕隋為祕書學士於小學家尤邃自漢杜林衛宏後古文至憲復興與諸儒譔桂苑珠叢一百卷規正文字又註廣雅學者推其該唐太宗有奇難字輒問憲且為音注帝咨詢之又撰博雅十卷隋志曹憲古今字圖雜錄一卷

唐志桂苑珠叢一百卷

諸葛穎又畧要二十卷

呂靜韻集夏侯該韻畧陽休之韻畧周思言音韻李季節音譜杜臺卿韻畧等各有垂互隋仁壽元年辛

小學一

酉陸法言為切韻五卷唐天寶十載辛卯孫愐唐韻總加四萬二千三百八十三言仍篆隸石經勒存正體

唐六十九家小學

藝文志經錄十一曰小學類六十九家一百三部七百二

十一卷失姓名二十三家爾雅小爾雅方言釋名三蒼廣

雅埤蒼廣蒼急就尺將太甲在昔聖皇勸學飛龍說文玉

篇纂文纂要詁幼桂苑珠叢幼學始學小學小學啓疑

博雅續爾雅黃初吳章篇則訓詁偏傍之學也聲類

韻集韻畧辨嫌音四聲韻畧四聲部韻篇切韻證俗

音音隱叙周音爾雅音義則音韻之學也字體則有
 雜字字訓字林字統字苑字屬辨字釋訓解字雜音
 要說集畧辨嫌文字志字旨奇字古文官書雜字書
 通俗難字千字文覽字知源文字指歸字海書體則
 有篆草勢法書目錄四體書勢五十二體書書品箋
 墨法八體六文書法篆隸詁訓名錄書後品石經則
 有論語易尚書毛詩儀禮左傳公羊始於爾雅李循
 樊光注終於李嗣真書後品不著錄二十二家二千
 四十五卷徐浩書譜至加字切韻訓詁偏傍有文字
 音義五經文字九經字樣千江字書八分毫正字說文

字源音韻有韻音唐韻韻銓韻英韻海鏡源切韻如
 字書體有書譜古跡記書斷評書指則法書草字體
 筆法記寶章集八體書範及二王二張等書王氏工
 書狀 隋志小學一百八部四百四十七卷 宗文目五

十七部五百十九卷叙曰爾雅出漢世而有訓詁之
 學三蒼志字法許慎作說文而有偏傍之學五聲清
 濁相生孫炎始作字音於是有音韻之學篆隸古文
 異體學者務極其能於是有字書之學 景德二年龍

四百四十一卷 中興目一百十八家八百三十二卷 續
 目二十家二百二十四卷

文字之學有三其一體制謂點畫有銜縱曲直之殊
說文類其二訓詁謂稱謂有古今雅俗之異調雅方其
三音韻謂呼吸有清濁高下之不同賦對反切之類

唐禁中書法

百官志貞觀元年詔京官職事五品以上子嗜書者
二十四人隸弘文館習書出禁中書法以授之會
要初置弘文館選貴臣子弟有性識者為學生內出
書法命之令學又人間有善書者追召入館纔數年
間海內風從六典注云救虞世南
目錄六卷張彥遠法書要錄十卷

唐志虞詡法書

褚遂良工隸楷帝令侍書見後虞世南始學書於

智永究其法為世祕愛歐陽詢初倣王羲之書後

險勁過之因自名其體魏叔瑜善草隸以筆意傳

其子華及甥薛稷世稱善書者前有虞褚後有薛魏

顏真卿善正草書筆力道婉世寶傳之賀知章

善草隸好事者具筆研從之世傳以為寶柳公權

書法結體勁媚自目一家裴休書楷道勁有體法

韋陟有楷法自謂書陟字若五朵雲號郇公五雲體

盧藏用工草隸大篆八分蘇氏曰永禪師書骨

氣深穩體兼衆妙精能之至友造疎淡如觀陶靖節

詩歐陽率更書妍緊拔群尤工於小楷其書勁險刻厲正稱其貌褚河南書清遠蕭散微雜隸體張長史草書頽然天放畧有點畫處而意態自足號稱神逸今世稱草書者或不能真行此大妄也真生行行生草真如立行如行草如走未有未能行立而能走者也顏魯公書雄秀獨出一變古法柳少師本出於顏而能自出新意其言心正則筆正非獨諷諫理固然也

唐御府鍾王等真跡 二王張芝張昶書

弘文館法書

貞觀開元印

會要正觀六年正月八日命整理御府古今工書
王等真跡得一千五百一十卷開元六年正月二日
命整理御府古今工書鍾王等真跡得一千五百
十卷十六年五月內出二王真跡及張芝張昶等
跡總一百六十卷付集賢院依文榻兩本進內分
諸王初正觀中搜訪王羲之等真跡人間古本畢
今魏徵虞世南褚遂良等定其真跡及小王張芝
亦隨多少勤為卷帙以貞觀字為印縫及卷之首
尾其真跡又令褚遂良真書小字帖紙影之其古本
是梁隋官本者梁則滿騫徐僧權沈熾文朱异等
隋亦

則江總等書等書記太宗又今虞褚等卷下更書名
記其後蘭亭一本相傳云將入昭陵又一本長安
龍之際太平樂安公主奏借出外榻寫此遂失所在
開元五年敕陸元悌魏哲劉懷信等檢校標分一卷
為兩卷總見在八十卷並墜失元悌又割去前代名
賢押書之跡唯以己之名氏代焉上自書開元二
為號以印記之王右軍凡一百三十卷小五十二卷
集賢記卷張芝張昶書各一卷右軍真行書皆有黃
庭告誓等四卷存焉宗太平興國八年十月越州以
王羲之畫像并石魂未獻

藝文志小學類二五張

芝張昶等書一千五百一十卷太宗出御府金帛求
天下古本命魏徵虞世南褚遂良定真偽凡得羲之
真行二百九十紙為八十卷又得獻之張芝等書以
貞觀字為印草跡命遂良楷書小字以影之其古本
多梁隋官書梁則滿騫徐僧權沈熾文朱异隋江總
姚察書記帝命魏褚卷尾各書名開元五年敕陸元
悌魏哲劉懷信檢校分益卷帙玄宗自書開元字為
印六典弘文館榻書三人貞觀二十三年置龍朔
三年館內法書九百四十九卷並裝進會要長慶
三年四月舊紀秘書少監李隨奏鑄祕書閣圖書印

萬曆十六年

三月天日二

監生馮魯可刊

開成元年四月集賢殿御書院鑄印以御書為文
元和十四年九月戊寅考功郎中蕭祐進古今書畫
二十卷 借紀云古畫古書

唐寶章集 八體書範

藝文志王方慶寶章集十卷王氏八體書範四卷王
氏工書狀十五卷 王方慶傳武后嘗就求羲之書

方慶奏十世從祖羲之書四十餘畝太宗求之先臣
悉上送今所存唯一軸并上十一世祖導十世祖洽
九世祖珣八世祖曇首七世祖僧綽六世祖仲寶五
世祖騫高祖規曾祖褒并九世從祖獻之等二十八

人書共十篇后御武成殿徧示群臣詔中書舍人崔

融序其闕閱號寶章集復以賜方慶士人歎其寵

合度神功元年五月上謂鳳閣侍郎王方慶曰卿家

多書合有右軍遺跡方慶曰羲之書先有四十餘卷

正觀十二年進訖一卷今在亦進訖并十一世祖導

已下二十八人書十卷上之 褚遂良傳博涉文史

工隸楷太宗嘗歎曰虞世南死無與論書者魏徵白

見遂良帝令傳書帝方博募王羲之故帖天下爭獻

然莫能實其真偽遂良獨論所出無舛冒也 正觀中

十紙 真行二百卷 鍾紹京傳紹京嘗書畫如王羲之

王海卷四十五
獸之楮遂良真跡藏家者至數十百卷
蕭祐傳前
代鍾王遺法蕭張筆勢徧叙真偽為二十卷元和末
造御

唐詔寫文選

裴行儉傳行儉工草隸名家帝嘗以綰詔寫文選覽
之秘愛其法賚物良厚行儉每曰楮遂良非精筆佳
墨未嘗輒書不擇筆而妍捷者余與虞世南耳所撰
唐詔草字雜體數萬言志卷七

唐開元文字音義

志玄宗開元文字音義三十卷繪要云開元二十二年

示公韻英五卷會要天寶十四載四月付集賢院

張九齡賀御製

文字音義狀義微旨遠文省理該表隸以訓今存篆
以證古衆釋大備取證於前脩片言旁通去嫌於翻
字信文思之精一學術之明準書目開元文字音

義二十五卷元宗撰其序云古文字惟說文字林最
有品式因備所遺缺首定隸書次存篆字凡三百二
十部合為三十卷今止存二十五卷集賢注記有

敕依文字音義改撰春秋毛詩莊子音張九齡奏校
理官呂證撰春秋音義鄭欽說撰毛詩音義甘暉衛
包撰莊子音義郭忠恕曰玄宗老子上卷改載為

哉洪範一篇更頗作破

志武后字海一百卷元萬

頃等撰雜家有江邃釋文十卷

顏之推曰世之學者讀五經是徐邈而非許慎賦頌
信褚詮而忽呂忱史記專皮鄒而廢篆籀漢書悅應
蘇而略蒼雅不知書音其支葉小學其宗系 葛洪
曰書三寫魚成魯帝成虛

唐三體寫老子經

舊史司馬承貞子微善篆隸書玄宗令以三體寫老子

經因刊正文句定著五千三百八十言為真本以奏
上之

小學子

唐王勣家

李陽冰上李大夫論古篆書編想立創造書之旨後
仰觀俯察六合之際於天地山川得方圓流峙之形
於日月星辰得經緯昭回之度於雲霞草木得霏布
滋蔓之容於衣冠文物得揖遜周旋之體於蟲魚鳥
獸得屈伸飛動之理隨手萬變任心所成可謂通三
才之氣象備萬物之情狀孔壁遺文汲冢舊簡年代浸
遠謬誤滋多蔡中郎以豐同豐李丞相將末為來天
將未喪斯文也故小子得篆籀之宗旨 舒元 與王
筋篆志曰秦丞相斯變蒼頡籀文為王筋篆李陽冰

獨能隔一千年而與秦斯相見斯去千年水空唐時
徐鉉曰陽冰篆迹殊絕獨冠古今自云斯翁之後
直至小生於是刊定說文修正筆法 實泉書陽水
篆為筆虎文作小篆賈曰丞相斯法神慮精深欽頭
屈王鼎足垂金

唐真草書屏 見衛書

八體書屏 書譜

徐浩傳父嶠之善書以法授浩益工嘗書四十二幅

屏八體皆備草隸尤工所題多文選五言詩世狀其

法曰怒猊 石渴驥欽泉 志徐浩書譜一卷 古跡

記一卷 圖書屏記歷代入書品者八十一人

儒家之寶莫踰此屏 覽書品及徐公評論云云

柳公權書法勁媚外夷入貢別輸貨貝購柳書京兆

西明寺金剛經有鍾王歐虞褚陸諸家法文宗召與

聯句以為詞情皆足命題於殿壁一字率徑五寸帝

歎鍾王無以尚也其遷少師宣宗召寘御座前書紙

三番作真行草三體奇秘賜以器幣且詔自書謝章

軍容使西門季玄捧硯樞密使崔巨源過筆一紙真

書十字曰衛夫人傳筆法於王右軍一紙行書十一

字曰永禪師真草千字文得家法一紙草書八字曰

謂語助者焉哉乎也上尤奇惜之

宋王僧虔為飛白書題尚書省壁。劉劭飛白書執
曰素幹冰解蘭墨電掬直准箭馳屈擬蠖蟄煙雲拂
蔚索草鍾真。

唐韻英

志玄宗韻英五卷。天寶十四年撰。詔集賢院寫付諸
道採訪使傳布天下。會要天寶十四年四月內出
御撰韻英五卷付集賢院繕寫行用。集賢注記上
以自古用韻不甚區分。陸法言切韻又未能釐革。乃
改撰韻英仍舊為五卷。舊韻四百三十九。新加一百
五十一。合五百八十韻。一萬九千一百七十七字。分

折至細。廣開文路。兼通用韻。以示宰臣等。上表陳賀
付諸道令諸郡傳寫。南部新書天寶時陳庭堅撰
韻英十卷。隋志釋靜洪韻英三卷。

唐韻海鏡源

志顏真卿韻海鏡源三百六十卷。崇文目蕭存傳

真卿在湖州。與存及陸鴻漸等討摭古今韻字所原
作書數百篇。以包荒萬彙其廣如海。自未尋源。昭之如鏡。會要大曆十

二年十一月二十五日。刑部尚書顏真卿撰韻海鏡

源三百六十卷。表獻之。詔付集賢院。舊史同十

書目。北齊顏之推證俗音字四卷。援諸書為据。正時

書目。北齊顏之推證俗音字四卷。援諸書為据。正時

俗文字之謬凡三十五目

唐筆法記

志荆浩一卷浩稱洪谷子王愔文字志二卷初學記引之

唐千祿字書

志顏元孫千祿字書一卷崇文目同書目一卷顏元孫

撰從子真卿書真卿序云元孫正觀中刊正經籍因

錄字體數紙以示讎校楷書時號顏氏字樣真卿參

校成一卷名曰千祿字書以四聲為次具俗通正三

體以經史所用為正世之所行為俗三者之間為通

凡三體婁機廣千祿字書五卷參校字書凡一字數

小學

義一義數字較其同異並載本源總為字七千六百

唐六體論

書目一卷張懷瓘論大篆小篆八分隸書行書草書

六體書詁一卷評書藥石論一卷夫寶中獻古文大

篆書祖一卷懷瓘論古文大篆籀文小篆八分隸書

章草行書飛白草書十體皆有贊書斷三卷卷末云

開元甲子歲章初崇文目云懷瓘書斷論三卷采古

人以書名家差為三品李淑書目云上論書述讚文

下每書分神妙能品人名有唐名書贊一卷朱禹

評正觀至元和善書凡一百五十人法書要錄十卷

嘉靖丙辰年

玉海卷四十五

二十三

嘉靖丙辰年

二十三

監生湯鳳來相刊

唐張彥遠撰哀次論書之說蔡希綜法書論一卷

唐十體書

書目十體書一卷唐玄度撰并書有古文大篆八分小篆飛白倒薤散隸垂針鳥書垂露卞體皇祐中武功蘇望刻石

乾德韻對 雍熙新定廣韻 景德校定

切韻 祥符重修廣韻

乾德四年正月陳鄂上四庫韻對詔續編天禧五年六月

乙巳鄂之孫僧溥上鄂所作九十八卷唐志類書高測韻對十卷輯諸書為

千韻以便童習 范 太平興國二年六月丁亥詔太子鎮國朝韻對三卷

小字

中舍陳鄂等五人同詳定玉篇切韻志云雍太宗於

便殿召直史館句中正訪字學令集凡有聲無文者

翌日中正上其書上曰朕亦得二十一字當附其末

因命中正及吳鉉楊文舉等考古今同異究篆隸源

原補缺刊謬為新定雍熙廣韻一百卷端拱二年

月丁丑上之詔付史館先景德四年

一月戊寅崇文院上校定切韻五卷依九經例頒

本陸法祥符元年六月五日改為大宋重修廣韻

道有形器之物有象數之滋一始畫於龍圖

九十四言孫計萬一千六百九十二字思

萬曆

若蕭玄拾遠源薛道衡三人撰集唐韓嶠二等尚丘增加孫家增字釋務齊道固三年五月庚子若

輔臣人部景祐元年四月丁巳詔直史館宋祁鄭

戩國子直講王洙刊脩廣韻韻畧命知制誥丁度李

淑詳定祁等言多疑混字舉人誤用故也詳見後集

韻吳鉉吳鉉作重定切韻興國八年殿試日捧以吳

七月五日戊午令入史館校定字書字多以吳音祭

貢士題崇文目唐廣韻五卷唐韻五卷雍熙

廣韻一百卷大宋重修廣韻五卷

淳化歷代帝王名臣法帖 淳熙續法帖

淳化四年四月詔以先賢墨迹為法帖十卷勒于石

丙戌賜近臣各一部唐閣有王羲之父子庾亮蕭子

系門懷素懷仁等筆先是太平興國二年十月詔

諸州搜訪先賢筆迹圖書於是荆湖獻張芝草書潭

州獻唐明皇所書道林寺王喬觀碑袁州獻宋之問

書龍鳴寺碑三年九月辛亥昇州獻晉王羲之獻之

及桓温等凡十八家石版書迹杜留心筆札如善音

習鐘王書六年十二月丁丑又詔訪鍾繇墨迹七年正月

己未錢惟治以鍾繇王羲之唐元宗墨跡七軸為獻

八年二月丁酉錢昱獻鍾王墨迹八軸十月己丑越

州獻義之石硯雍熙二年三月丙寅潘昭慶獻虞者
歐陽墨迹三本至道元年六月十日令裴愈求圖籍
又得義之懷素等書八本藏祕閣元祐中劉次莊
為法帖釋文十卷靖國初劉燾取淳化所遺與近
出者為續法帖十卷淳熙十二年三月刻祕閣續
法帖十卷七十卷三

景德新定韻畧

祥符篇韻登蹄

景德四年十一月戊寅詔放行新定韻畧送青蓋樓
板先以舉人用韻多異詔殿中丞丘雍重定切韻陳
彭年言省試未有條格命晁向崔遵度等詳定刻于

之末祥符三年二月己酉太常博士丘雍編通

字為篇韻登蹄三卷上之詔褒之四年六月詳

定諸州發解條例附于韻畧景祐四年六月丙申以
丁夔所脩韻畧五卷放行初說書賈昌朝言韻畧多

無訓釋疑混聲重疊字舉人誤用詔度等刊定空韻

十三許附近通用混聲重字具為解注元祐五年太

學博士孫諤等言韻有一字一義而兩音者有合用

而私相傳為當避者有合押而禮部韻或不收者七

月九日附入韻畧紹興十四年十二月己丑知蔡州

揚朴上禮部韻括遺書目韻畧五卷景德四年龍

四十九

圖定制戚綸等承詔詳定考試聲韻綸等以殿中丞
直雍所切韻同用獨用例及新定條例參定宗崇文
日雍撰韻畧五卷畧取切韻要字備禮部科試景祐
禮部韻畧五卷丁度等承詔重脩四聲韻類二卷乾
道元年郊升卿撰以平聲上下韻母兼總三聲以類
類從又聲韻類例一卷以字母為目總括諸韻音聲
百近亦附焉淳熙禮部韻畧五卷元年國子監言前
後有增改刪削及多差舛詔校正刊行隸韻十卷得
熙一年劉球撰集石刻隸字為之隸注韻畧五卷不
知作者又互注五卷 隸目具械韻補五卷自詩書

至唐宋人文章凡協聲押古韻者共引五十家僧妙
華互注集韻二十五卷 崇文目韻銓十五卷切韻
十卷辨體補脩如字切韻五卷聲韻圖一卷 程迥
古韻通式一曰四聲互用二曰切響通用畧於文選
詩中類出五十餘條復以經證一日終焉 劉熙古
作切韻拾玉二篇刊版以獻詔國子監頒行

祥符真草書千字文

三年十二月丁卯皇從姪孫守節上其父南陽郡王
惟吉真草書千字文石本詔獎之以其書付史館
太宗時孫景璠篆千字文為五十餘體以獻授國子

書學博士。仁宗時克循獻所書千字文。皇祐二

年正月十七日宗子宗望上集虞世南筆法千字文

遷資州刺史。米芾奉詔以黃庭小楷作千字文以

獻。侍其璋續千文。唐志有篆書千字文一卷

胡寅作叙古千文黃灝為傳。胡宏作叙古篆求凡

章。十一。李建中手寫郭忠恕汗簡集以獻皆科斗文字

詔嘉獎忠恕召授國子主簿館於太學令刊定歷代

字書。舒知雄獻字母圖。

陳淳字義三卷。

景祐書苑 書學

實錄三年十月乙巳朔國子博士周越上纂集古今

人書并隸體法傳云并所更體法名書苑凡二十卷命知國

子監書學志云二十九卷傳云十卷中興書目周越古今法

書苑十卷其序云自蒼史逮皇朝善書者得三百九

十八人以古文大篆小篆隸書飛白八分行書草書

通為八體附以雜書以正書正行行草草書分為四

等見氏志云十五卷天聖八年四月成此書奏御郭忠恕云小篆散而八

分生八分破而隸書出隸書悖而行書作行書狂而

草書聖自隸以下吾不欲觀。崇寧二年六月十一

日都省上書學敕令格式五年四月罷徽宗評十八

萬曆十六年

監生

家書體

高宗製翰墨志

紹興十六年十一月十

王海卷四十五

四百五十四

七日癸未復置御書院於資善堂後明年四月十七

日畢功翰林院選試書學生以五體書王真鍾真書小字批卷

學祇候以六體書勾勒藝學試七體書王筋待詔以

七體書二十年正月十七日罷

書目米芾書評一卷元祐六年撰朱長文續書斷二

卷集唐初至熙寧間能書者品第優劣

大觀四年正月九日朱克明言許氏說文字畫形聲

多與字說相戾撮四百餘字名字括詔除書學論

熙寧三年十二月十六日明州布衣王珣上篆書證

宗覽三卷并印樣一軸命為御書院祇候

景祐集韻

十卷崇文目景祐四年翰林學士丁度等承詔撰寶

元二年九月書成上之十一日進呈盼行慶曆三年八月十七

日雕韻例云唐虞君臣賡載作歌商周之代頌雅參

列聲韻經見此焉為始後世屬文之士比音擇字類

別部居乃其四聲若周研李登呂靜沈約之流皆有

編著近世小學寢廢六書亡缺隋陸法言唐李舟孫

愐各加哀撰真宗時令陳彭年丘雍因法言韻就為

刊益景祐四年一云元太常博士直史館宋祁鄭戩

萬曆十六年

二月

二

監生馮魯可刊

建言彭年雍所定多用舊文繁畧失當因詔祁戩與直講賈昌朝王洙同脩定知制誥丁度李淑典領令所撰集務從該廣凡字訓悉本許慎說文慎所不載則引他書為解凡古文見經史諸書可辨識者取之不然則否列十二凡著于篇端字五萬三千五百二

十五新增二萬七千三百三十一字分十卷詔名曰

集韻自許慎而降凡數家摠為類篇集韻昌朝又請修禮部韻畧其

窄韻凡十有三聽學者通用之或云治平四年司馬光繼纂其職

元祐五年博士孫諤陳請添收紹興十一年進士

黃啓宗隨韻補軒尚多闕遺三十二年毛晃上增修

小學

互注韻畧 張貴謨上聲韻補遺

慶曆古文韻

慶曆四年二月二十四日知亳州夏竦上新集古文四聲

韻五卷古文所出書傳自汗簡至鳳栖記皇祐四年二月甲申宗子

右屯衛大將軍克繼廣夏竦古文韻六卷詔獎其向

學藏中祕

郭忠恕佩觿集三卷序曰造字之旨始於象形中則

止戈反正而省聲正焉四聲之作始於譬况中作近

煙左傳注為殪鄭注而翻語生焉孫炎注傳寫之差則五月

三豕帝虎魯魚觸類而長實繁有徒忠恕編汗簡

監生施可光

晁氏志薛尚功集鍾鼎篆韻七卷紹興中元祐中呂大

臨所載僅數百字政和中王楚所傳不過數千字是

書所錄凡一萬一百二十有五又王楚集博古圖二

十卷呂大臨考古圖四十卷薛尚功鍾鼎款識二十卷

書目崇文目同佩觿三卷心郭忠恕上卷列三科一曰造字

二曰四聲三曰傳寫中下以四聲分十條古文四聲

韻五卷夏竦集前後所獲古文字準唐切韻分為四

聲

治平類編 指掌圖

書目類篇四十五卷治平四年司馬光上先是寶元

二年翰林學士丁度言今修集韻增字既多與玉篇

不相參協請將新韻增入別為類篇詔王洙修纂胡

宿范鎮繼之至是書成凡十四篇目錄一篇每篇分

為上中下總四十五卷文三萬一千三百一十九重

音二萬一千八百四十六以說文為本光有切韻

指掌圖以三十六字丁母總三百八十四聲別為二十

圖辨開闔以分輕重審清濁以訂虛實極五音六律

之變分四聲八轉之異遞用則名音和傍求則名類

隔同歸一母則為雙聲同出一韻則為疊韻同韻而

分兩切者謂之憑切同音而分兩韻者謂之憑韻無

萬曆丁亥年

監生 倫可光

字則點窠以足之謂之寄聲韻闕則引鄰以寓之謂之寄韻 劉熙古作切韻拾玉二篇

宋朝象類書

書目鄭樵字始連環

卷論文字象類謂獨體為文合體為字文有八象字

有六類八象不至則有假借之文六類不及則有假

借之字又論梵書三卷龍龕手鑑四卷遼國統和十五年僧

智光以平上去入為次兼釋中國西竺之書晁氏志三卷契丹

一萬六千四百三十字注為之後題一統和十五年丁酉時至通三年也

鄭樵六書畧曰臣六書證篇實本說文而作凡許氏

是者從之非者違之說文形也以母統子廣韻聲也

以子該母臣舊作象類書總三百三十母為形之主

八百七十子為聲之主合千二百文而成無窮之字

說文定五百四十類為字之母然母能生而子不能

生誤以子為母者二百十類 七音畧曰漢人課籀

隸始為字書以通文字之學江左競風騷始為韻書

以通聲音之學然不識子母失制字之旨不識七音

失立韻之源七音之韻起自西域流入諸夏華僧定

之以三十六為之母重輕清濁不失其倫天地萬物

之音備於此矣

淳熙隸釋目錄五十卷洪适撰凡碑板二百八十五
輓器二十七 墨藪十卷許歸與編 李氏書目止五卷評書筆勢論皆別出

秦篆譜

祥符中封泰山守臣摹本以獻凡四十餘字宋庠刻
于石大觀中劉跋至絕頂摹之全本後傳考史記本
紀大凡百四十六字而差失者九字為後序謂之秦
山秦篆譜 隋志小學秦刻石文一卷 鄭端方篆
隨六卷 字義一篇

乾道班馬字類

中興書目乾道九年陳天麟撰前漢通用古文韻編

五卷以四聲集之
字類二卷

續目婁機取史漢古字為班馬

文心雕龍曰詭異皆字體壞怪也聯邊者半字同文
也重出者同字相犯也單復者字形肥瘠也凡此四
條雖文不必有而體例不無若值而不悟則非精鮮
至於經典隱曖方冊紛綸簡蠹帛裂三寫易字子思
弟子於穆不似音訛之異也晉之史記三豕渡河文
變之謬也 說文繫傳云蔡邕漢末碩學而云色絲
為絕殊不知絕字系旁為刀刀下為下又况不及蔡

邕者乎吳人云無口為天有口為吳曾不知吳從其
隨文帝惡隨字為走乃去之成隋字隋裂肉也其不
祥大焉殊不知隋從走是安步也而妄去之

豈非不學之故漢之諸儒比有立而揚子雲以識

字稱韓文公言語妙天下而猶自謂畧須識字字亦

豈易識哉 桃萊雜悟柳邨本同 凡將急就之文

旁行敷落之教 宋沈約慨然思與天下共識龜圖

鳥迹之遺趨高領妙自謂入神旁通曲暢律度精密

時有誦郊居賦而擊節稱善獨在雌霓一語文從字

順各識其職 不必有曹憲可以備顧問不必有楊

小學

子雲可以備好奇之訪 師宜八分之巧元常三體

之妙史籀李斯之篆梁鵠孟喜之書 鸞驚之勢聞

於索靖鷹時之巧顯於蔡邕游霧重雲傳敬禮之法

馬頡魚頡表揚泉之賦

一陰一陽交春夏秋冬備而萬情生焉一柔一剛交

東西南北備而萬形成焉一闢一翕交平上去入備

而萬聲生焉一唱一和交開發收閉備而萬音成焉

吳楚傷於輕淺燕趙傷於重濁秦隴則去聲為入梁

益則平聲似去右管之以天地律呂則輕重淺深清

濁之變三十有六而窮矣故字有母止于三十六也
 單出為聲一之唱也故為律而屬天雜比為音二之
 和也故為呂而屬地 鄭樵七音畧曰天籟之本自
 成經緯縱有四聲以成經橫有七音以成緯皇頡制
 字深達此機江左四聲反沒其旨凡為韻書者皆有
 經無緯字書眼學韻書耳學眼學以母為主耳學以
 子為主母主形子主聲 顏氏家訓曰自春秋漂齊
 言之傳離騷目楚辭之經後有揚雄著方言其書大
 備然皆考名物之同異不顯聲讀之是非逮鄭玄注
 經高誘解呂覽淮南許慎造說文劉熹製釋名始

有譬況假借以證音字而古語與今殊別其間輕重
 清濁猶未可曉加以內言外言急言徐言讀若之類
 益使人疑孫叔言創爾雅音義是漢末人獨知反語
 魏高貴卿公不解反語以為怪異自茲厥後音韻鋒
 出各有土風遞相非笑 文心雕龍古之教歌先揆
 以法使疾呼中宮徐呼中徵商徵響高宮羽聲下抗
 喉矯舌之差攢脣激齒之異廉肉相准皎然可分凡
 聲有飛沉響有雙疊雙聲隔字而每每并疊韻雜句而
 必睽沉則響發而斷飛則聲颺不還異音相從謂之
 和同聲相應謂之韻韻氣一定故餘聲易遣和體抑

揚故遺響難契切韻之動勢若轉圓訛音之作甚於
枘方。

玉海卷第四十五

通志卷第四十六

後漢王應麟伯厚南

藝文

古史

古者天子諸侯必有國史以紀言行後世多務其
道彌繁夏殷已上左史記言右史記事周則太史
小史內史外史御史分掌其事而諸侯之國亦置
史官。

虞中

六八戴禮虞史伯夷

書正義堯典雖唐享本虞史所

漢以五帝之末接三王之初由舜史勒成一家可以
為法上取堯事下終禪禹皆舜史所錄鄭序以為虞
夏書五篇商書四十篇周書四十篇實曰三科之條
五家之教是虞夏同科也

唐虞史官典籍

漢班彪傳其畧論曰唐虞三代詩書所及有史官
以司典籍注見於史籍者夏太史終古殷六豎於諸
侯國自有史吳志右國史華嚴上疏曰五帝三王
官立史官叙錄功美垂之無窮
帝王輔佐篇籍

漢古今人表經傳所稱唐虞以上帝王有號謚輔佐
不可得而稱矣而諸子頗言之雖不考慮孔氏然猶
著在篇籍歸乎勸戒

夏殷春秋 太史圖法 殷冊書典籍

左傳後序汲冢得古文其紀年篇起自夏殷周皆三
代王事唯特紀晉國其著書文意大似春秋經古者
國史策書之常也 史通汲冢璣語記太丁時事而

目為夏殷春秋隋志古文璣語四卷汲冢書六篇禹有史疇 呂氏春秋

通典夏太史終古考圖法出奔商商太史向摯一作

考圖法出奔周晉太史屠黍以圖法歸周 書多士

惟殷先人有冊有典注殷先世有冊書典籍說殷改夏王命之意 盤庚遲任有言注鄭玄云古之賢史

周志

左傳文二年晉狼曠曰周志有之勇則害上不登於

明堂注周書也文六年史駢曰前志有之曰敵惠

敵怨成四年秋季文子曰史佚之志有之曰非我族

類其心必異注周文王太史十五年春子臧曰前志有之曰

聖達節昭十二年仲尼曰古者有志克已復禮仁也

二十六年王子朝奉周之典籍以奔楚哀三年魯司

鐸火南宮敬叔命周人出御書 序周禮有史官掌

石史一

邦國四方之事達四方之志諸侯亦各有國史大事

書之於策小事簡牘而已中庸文武之政布在方策

不及百名書於方注禮小史掌邦國之志注鄭司

農曰春秋傳所謂周志國語所謂鄭書之屬外史

堂四方之志注若魯之春秋晉乘楚檮杌誦訓道方

志家語子夏及衛見讀史志者言晉師伐秦三豕

渡河子夏曰非也已亥耳讀史志者問諸晉史梁曰

已亥正秋正義沈氏云嚴氏春秋引觀周篇云孔

子將修春秋與左丘明乘如周觀書於周史漢志

儒家周史六弢六篇即今六韜隋志春秋引周志

萬曆丁亥年

三拜

六

鄭書之說似當時記事各有職司後又合而撰之總成書記
金石錄晉太公碑曰太康二年得竹策書書藏之年當秦坑儒之前八十六歲其周志曰文王夢天帝曰昌賜汝望

周記

見記類

周考 周紀

漢志小說家周考七十六篇考周事臣壽周紀七篇

宣帝時

周史記 詳見書類

古史

汲冢周書史記解第六十一穆王思保位惟難恐貽世羞欲自警寤作史記維正月王在成周味爽召三公左史戎夫曰今朕寤遂事驚予乃取遂事之要戒俾戎夫言之朔望以聞注集取要戒之言月旦月望於王前讀 言皮氏華氏夏后殷商有虞氏平林質沙三苗扈氏義渠平州林氏曲集有巢有鄆共工上衡氏南氏有果氏畢程氏陽氏較平阪原縣宗元都西夏績陽有洛之亡

周書

見書類 勇則害上不登於明堂此周志也左氏載

萬曆十六年

二

日

監生馮曾可刊

於文公二年杜氏以為周書國子賦轡之柔矣此逸詩也左傳載於襄公二十六年杜氏亦以為見於周書千里百縣縣有四郡作雜篇之言杜氏以為上大書受縣之注南望三塗北瞻有河度邑篇之言臣瓚以為班氏地理志之注天子不取友受其咎蕭何以為格言安危在出令存亡在所用主父偃以為確論記人之功忘人之過見於陳湯傳左道事君者誅見於王商傳鄭元釋廣行人曰周書王會篇備焉而寶摯之事益明馬融釋魯論曰周書月令篇而改火之義愈著顏師古議明堂叙應門雉門之制復援文王

居明堂之篇而後明堂之在路寢其論始定一行曆議援其時訓之篇天根朝覲爰始收潦又以維王元祀二月丙辰朔武王訪于周公為正朔之驗縣縣不絕蔓蔓柰何蘇秦以說魏必參而伍之蒙恬以告秦民有五氣喜氣內蓄雖隱必見李善以注七發湯取天子之璽置天子之座六典既以述符實穆王有左史戎夫書前代存亡之誠復以論起居注牛弘援蔡邕王肅之言乃以為周公所作若一行與釋後漢史者咸以為周公時訓蓋必有所本矣周史六弢六篇周政六篇周法九篇河間周制十八篇並列於儒家蓋與是

史互見詳畧者也其書凡七十一篇至顏師古之時存者四十有五隋唐史志汲冢周書皆十卷見於雜史類唐志復載孔晁注周書八卷云今傳於世者視師古所見加多詩皇矣疏引周書稱文王在程作程寤程典大史而下建官惟五左史書動右史書言見於玉藻正義謂大史為左史內史為右史

周諸侯史記

魯史記

魯史策書

太

史氏書

國史

三國史記

隋志周官外史掌四方之志則諸侯史記兼有之左傳序春秋魯史記之名也記事者以事繫日以日

古史

繫月以月繫時以時繫年仲尼因魯史策書成文左

丘明身為國史躬覽載籍

正義周世每國有史記當

隱七年注仲

尼脩春秋皆承策為經

丘明之傳博

昭二年春韓

宣子來聘觀書於太史氏見易象與魯春秋

書曰周禮盡在魯

序云韓子所見蓋周之舊典禮經

禮故云周禮盡在魯

公羊傳莊七年不脩春秋注謂史記也

古者謂史記為春秋

公羊之義以為哀公十四年獲麟之後得端門之命乃作春秋

至九月而上筆孔子未修之時已謂之春秋

史記陳世家孔子讀史記至

楚復陳曰賢哉楚莊王輕千乘之國而重一言

世家孔子讀史記至文公曰諸侯無召王自序自

嘉靖庚戌年

三

獲麟以來四百餘歲諸侯相兼史記放絕 **孟子晉**

之乘楚之檣杵魯之春秋一也注此三大國史記之

名乘者興於田賦乘馬之事檣杵者興於記惡之戒

春秋以二始舉四時春秋正義案外傳申叔時司馬

不言乘與檣杵然則晉楚私立別號魯守其本名賈

達云周禮盡在魯史法最備故史記與周禮同名

齊南史執簡以往董狐書趙盾以示於朝魯語

臧文仲聞柳下季之言書以為三策宋華督衛孫

甯名在諸侯之策左傳祝佗曰分魯公備物典策

注典策春秋之制晉徐廣傳乘志顯於晉鄭春秋

著乎魯史隋牛弘求遺書劉

炫偽造連山易魯史記等錄上

史通史有三彰善

貶惡不避彊禦若晉之董狐齊之南史上也編次勒

成蔚為不朽若魯之丘明漢之子長次也高才博學

名重一時若周之戎夫楚之倚相下也

古者王朝五史若諸侯之有史僅見於封康叔封伯

禽而他國無所考自晉有乘秦有記魯有史皆私史

也或者其周之東乎史之綱要以編年為本而汾王

以上諸侯有世而無年至於共和則國各紀元周

為天子雖諸侯史記亦得名為周史古者生子則

閭史書之二十五家為閭閻尚有史况一國乎養

老有信史飲酒或佐之史宮中彤管

左傳史佚有言曰無始禍無怙亂無重怨因重而撫

周百二十國寶書

公羊疏案閔因叙云昔孔子受端門之命制春秋之義使子夏等十四人求周史記得百二十國寶書九月經立感精符考異郵說題辭具有其文周史而言寶書寶者保也以其可世世傳保以為戒公羊之義据百二十國寶書以作春秋今經止有五十餘國通戎夷宿潞之屬僅有六十有極美可以訓世極惡可以戒俗者取之不可為法者皆棄而不錄据百二十國寶書以

為春秋非獨魯也而言內者託王以於魯故言內戴宏解疑論云聞端門之命有制作之狀乃遣子夏等求周史記得百二十

國寶書脩為春秋

春秋說云孔子欲作春秋上得

陽豫之卦

宋氏云夏穀卦名也

六藝論云春秋者國史所記

人君動作之事左氏所記為春秋右史所記為尚書

孝經說云孔子曰春秋屬商孝經屬參

史通墨

子曰吾見百國春秋

史記正義何休云孔子集百

二十國書

周載

隋志雜史周載八卷東晉臨賀太守孟儀撰畧記前

代下至秦本三十卷今亡

唐志雜史孟儀注周載

三十卷

三十一卷

三十一卷

晉春秋 楚書 鄭書

晉語司馬侯對悼公曰羊舌肸習春秋注春秋紀人

事之善惡而日以天時謂之春秋周史之法也時孔

子未作春秋 楚語申叔時曰教之春秋而為之聳

善抑惡教之故志使知廢興者而戒懼教之訓典使

知族類行比義 大學楚書曰惟善以為寶注楚昭

王時書 左傳襄三十一年子產曰鄭書有之安定

國家必大焉先注鄭國史書曰禮小史注國 昭二十

八年晉司馬叔游曰鄭書有之惡直醜正實蕃有徒

注古書名 昭十五年景王曰孫伯厭厭司晉典籍為

為西史達春秋序云孔子覽史記就是非之說立義
王之法家語稱齊太史子餘美孔子云天其素王
之序

八代記

公羊疏襄九年左傳言魯襄公年十二而冠依八代
記即少昊亦十二而冠

青史氏記

見書類風俗通義引青史子言

秦記

史記六國表太史公讀秦記索隱曰秦獨有秦記不
 載日月其文畧不具詳註
 斯請史官非秦記皆燒之高鵠傳公孫支書而歲
 之秦策於是出

秦文公十三年初有史以紀事秦內史廖
 此史柳蚪曰南史抗蘇表崔氏之罪董狐書法明前
 盾之愆執筆於朝其來久矣漢魏以還密為記述
 聞後世無益當時著漢魏者非一氏造晉史者至
 後代紛紛莫知準的

正史

歷代國史其流出於春秋劉歆叙七思王儉撰
 志史記以下皆附春秋荀勗分四部史記舊事入
 丙部阮孝緒七錄記傳錄記史傳由是經與史分
 編年紀傳各有所長編年所載於一國治亂之
 事為詳紀傳所載一人善惡之迹為詳編年其志
 最古而人皆以紀傳便於披閱號為正史

漢史記

司馬遷傳司馬氏世典周史談為太史公有子曰遷

云云遷俯首流涕曰小子不敏請悉論先人所次舊

聞不敢缺卒三歲而遷為太史令結史記金鑛石室

之書漢官儀司馬遷父談世為太史遷年十三使乘

記正義博物志云遷年二十五年而當大初元年十

一月甲子朔旦冬至天歷始改建於明堂諸神受之

太史公曰先人有言周公卒五百歲而有孔子孔子

卒至今五百歲有能紹而明之正易傳繼春秋本書

詩禮樂之際意在斯乎小子何敢讓焉於是論次其

文七年而遭李陵之禍天卒述陶唐以來至於麟

止自黃帝始事麟曰麟春秋註於護曠師古曰遷改

黃

二獲麟注太始秦撥去古文焚滅詩書故明堂石室

金鑛玉版圖籍散亂如淳曰江版漢興百餘年間

天下遺文古事靡不畢集太史公仍父子相繼纂其

職曰於戲余維先人嘗掌斯事顯於唐虞至于周復

典之故司馬氏世主天官至於余乎欽念哉罔羅天

下放失舊聞王迹所興原始察終見盛觀衰論攷之

行事畧三代錄秦漢上記軒轅下至于茲著十二本

紀既科條之矣並時異世年差不明作十表禮樂損

益律歷改易兵權山川鬼神天人之際承弊通變作

八書二十八宿環北辰三十輻共一轂運行無窮輔

弱股肱之臣配焉忠信行道以奉主上作三十世家
扶義倣儻不令已失時立功名於天下作七十列傳
凡百三十篇五十二萬六千六百字正義曰史記
黃帝記于史記
天漢四年二月及閏餘也後漢揚終受詔刪太史公書
計謫為太史公書序畧以拾遺補藝成一家言協六
經異傳齊百家雜語藏之名山副在京師以俟後聖
君子遷之自序云爾而十篇缺有錄無書贊曰自古
書契之作而有史官其載籍博矣至孔氏纂之上繼
唐堯下訖秦繆唐虞以前雖有遺文其語不經故言
黃帝顓頊之事未可明也及孔子因魯史記而作春

秋而左丘明論輯其本事以為之傳又纂異同為國
語又有世本錄黃帝以來至春秋時帝王公侯卿大
夫祖世所出春秋之後七國並爭秦兼諸侯有戰國
策漢興伐秦定天下有楚漢春秋故司馬遷據左氏
國語采世本戰國策述楚漢春秋接其後事訖于大
漢其言秦漢詳矣至於采經摭傳分散數家之事甚
多疏畧或有抵牾亦其涉獵者廣博貫穿經傳馳騁
古今上下數千載間斯以勤矣又其是非頗繆於聖
人論大道則先黃老而後六經序遊俠則退處士而
進姦雄述貨殖則崇勢利而羞貧賤此其所蔽也然

萬曆丁亥年
監生盧應元刊

自劉向楊雄博極群書皆稱遷有良史之才服其善序事理辨而不華質而不俚其文直其事核不虛美

不隱惡故謂之實錄揚惲始讀外祖太史公記東

史公書有戰國從橫之謀天官災異甄文志春秋

地形阨塞不宜在諸侯王不可予東萊呂氏曰以

家太史公百三十篇十篇有錄無書張晏所列亡篇

之目校之史記或其篇具在或草具而未成皆無

書也唯武紀終不見魏王肅曰漢武帝聞遷述史

削而投之於今此兩紀有錄無書馮商所續太史

公七篇錄商字子高師古曰七畧云陽陵人事五鹿

克宗後事劉向能屬文與隋志漢史記百二十卷

孟卿俱待詔頗序列傳唐志裴駙集解八十卷司馬貞索隱二

目錄一卷

十卷注開元潤張守節正義三十卷開元二十四竇

祥史記名臣疏三十四卷王元感徐堅李鎮陳伯宣

注韓琬續史記一百三十卷葛洪史記鈔十四卷隋

素奏陸從典續史裴駙集解序曰徐廣研核衆本

為作音義具列異同兼述訓解增演徐氏采經傳百

家并先儒之說或義在可疑則數家兼列漢書音義

稱臣瓚者莫知氏姓今直云瓚曰又都無姓名者但

云漢書音義 司馬貞索隱自序曰史記於班書微

為古質故漢晉名賢未知見重晉末徐廣作音義十

三卷宋裴駙作集解合為八十卷南齊鄒誕生作音

萬曆十七年

二每長口一六

一

監生黃汝極

義三卷貞觀中劉伯莊作音義二十卷

又撰史記地名二十卷許

子儒注又音三卷

貞釋文演注重為述贊凡三十卷號索隱

又作補史記序改定篇目補其缺遺重為之注號曰小司馬史記作三皇本紀補其闕

張守

節曰班固漢書與史記同者五十餘卷又史記五十

二萬六千五百言敘二千四百十三年事漢書八十

一萬言叙二百二十五年優劣可知正義有論史例注音字例蓋法

解 晁公武曰班固譏遷云云遷特感當世之所失

憤其身之所遭寓之於書有所激而為此言耳非其

心所謂誠然也 呂氏曰太史公高氣絕識包舉廣

而興寄深 史通元成之間曾稽褚先生更補其缺

作武帝紀二王世家龜策日者等傳辭多鄙陋非遷本意也

漢書

史記後傳

春秋考紀

後傳班彪才高好述作專心史籍武帝時司馬遷著

史記自太初以後闕而不錄後好事者頗或綴集謂揚

雄劉歆褚少孫然後鄙俗不足以踵繼其書彪乃述

採前史遺事傍貫異聞作後傳數十篇因斟酌前史

譏正得失其畧論云云今此後篇不為世家唯紀傳

而已隋志云遷卒後好事者亦頗著述然多鄙淺不足相繼至彪綴後傳數十篇并譏正前失

子固以彪所續前史未詳潛精研思欲就其業有告

固私作國史者弟超言固著述意郡亦上其書顯宗
 奇之史通曰太初以後雜引新序說苑七畧之辭召詣校書郎除蘭臺令
 史與前睢陽令陳宗長陵令尹敏司隸從事孟異共
 成世祖本紀遷為郎典校秘書固又撰功臣平林新
 市公孫述事作列傳載紀二十八篇奏之帝乃復使
 終成前所著書固以為漢紹堯運以建帝業至於六
 世史臣乃追述功德私作本紀編於百王之末廁於
 秦項之列太初以後闕而不錄故採撰前記綴集舊
 聞以為漢書起元高祖終於孝平王莽之誅十有二
 世二百三十年綜其行事傍貫五經上下洽通為秦

秋考紀表志傳凡百篇

紀十二表八志十一列傳七十考紀謂帝紀也言考覈時事具四

時以立言隋志云六十九傳固自永平中始受詔潛精積思二十

餘年至建初中乃成學者莫不諷誦焉論曰遷文直

而事覈固文贍而事詳固之序事不激詭不抑抗贍

而不穢詳而有體然其論議常排死節否正直而不

叙殺身成仁之美班昭曹世叔妻彪之女兄固著漢書

其八表及天文志未及竟而卒和帝詔昭就東觀藏

書閣踵而成之劉昭補志序曰續志昭表以是推之八表其班昭所補天文志其馬續所

成歟應劭曰元成帝紀皆班固父彪所作贊曰臣外

祖兄弟為元帝侍中語臣曰注臣則彪也外祖金敞

也。劉昭曰：司馬遷作史記，爰建八書。班固因廣曰：十志。天人經緯，帝政統維，創藏山之秘寶，肇刊石之

遐貫。

律經天文

禮樂五行

刑法地理

食貨漕洫

郊祀藝文

隋志一

百一十五卷。漢護軍班固撰。建初中始奏表紀。傳其十志不就。曹大家續成之。中興書目：漢書一

百卷。漢尚書郎班固撰。

南史：劉之遴傳，鄱陽王範

得班固所撰漢書真本，獻東宮皇太子。令之遴與張

纘到，既陸襄等參校異同，之遴錄其異狀數十事，大

畧云：古本稱永平十六年五月二十一日巳酉，即班

固上而今本無上書年月日。唐顏師古傳為天子

小字一

承乾注班固漢書上之賜物二百段。時人謂杜征南

顏秘書為左丘明，班孟堅忠臣，其所注漢書急就章

大顯于時。初師古叔游秦，武德初撰漢書決疑，師古

多資取其義。志正史類顏游秦漢書決疑十二卷唐志：御銓定漢書

八十七卷。高宗與郝姚察漢書訓纂三十卷又著續

明舊義察斑之曾紹訓四十卷項岱漢書叙傳八卷

陸澄新注八卷。漢書英華八卷。失姓名。隋志：晉葛洪漢書欽二十

卷。文史類史漢異義三卷。裴傑開元十七年上。詳見唐七

十家。文中子史之失自遷固始也。記繁而志寡。談

正史。書遷能終之彪之史固能修之。王充著書中班而

屈馬張輔持論又劣固而優遷。晉張輔云遷之著

述辭約而事舉叙三千年事唯五十萬言班固叙二百年事八十萬言

宋志序司馬遷於紀傳之外創立八書班氏因之律曆禮樂其名不變以天官為天文改封禪為郊祀易貨殖平準之稱革河渠溝洫之名綴孫卿之辭以述刑法採孟軻之書用庠食貨劉向鴻範始自春秋劉歆七畧儒墨異部朱贛博採風謠尤為詳洽固並因仍以為三志而禮樂踈簡所漏者多典章事數百不記一天文雖為該舉而不言天形致使三天之說紛然莫辨樂經殘缺其來已遠班氏所述抄舉樂記馬彪後書又不備續

漢東觀記

十意 漢記

漢史

本紀

漢志見三統歷

隋志東觀漢記一百四十三卷起光武記注至靈帝

長水校尉劉珍等撰唐志劉珍等東觀漢記百二

十六卷又錄一卷中興書目八卷按隋志本一百

四十三卷唐吳兢家藏已亡十六卷今所存止鄧禹

吳漢賈復景丹寇恂馮異祭遵景丹蓋延九傳列

傳班固除蘭臺令史與陳宗尹敏孟異共成世祖本

紀遷為郎固又撰功臣平林新市公孫述等作列傳

載紀二十八篇奏之顯宗李尤和帝時賈逵為名

詣東觀安帝時受詔與謁者僕射劉珍俱撰漢記
 張衡永中安帝謁者僕射劉珍校書郎劉翽等
 著作東觀撰集漢記因定漢家禮儀上言請衡參論
 其事會並卒而衡常歎息欲終成之及為侍中上疏
 請得專事東觀收檢遺文畢力補綴又條上司馬遷
 班固所叙與典籍不合者十餘事蔡邕前在東觀
 與盧植韓說等撰補後漢記會遭事涿離不及得成
 因上書自陳奏其所著十意分別首目連置章左帝
 嘉其才高及王允治邕罪乞繼成漢史太尉馬日
 三曰伯喈曠世逸才多識漢事當續成後史為一代大

典邕死其撰集漢事未見錄以繼後史作靈紀及十
 意又補諸列傳四十二篇湮沒多不存注十意猶前
 書十志也邕上書曰光武已來唯記紀傳無續志者
 臣師太傅胡廣畧以所有舊事與臣積累二十餘年
 得備著作即建言十志皆當撰錄謹科條諸志臣欲
 刪定者一當接續者四前志所無臣欲著者五律曆
 意第一禮意第二樂意第三郊祀意第四天文意第五
 車服意第六劉洪在東觀與蔡邕共述律曆記
 伏無忌元嘉中桓詔無忌與黃景崔寔等共撰漢記
 又自采集古今刪著事要號曰伏侯注其書上自黃

帝下書孟漢質帝為八卷。侯瑾案漢記撰中興以後

行事為皇德傳三十篇行於世。隋志漢皇德紀三十卷起光武至冲帝。

盧植拜議郎與馬日磾蔡邕楊彪韓詵等並在東

觀校中書五經記傳補續漢記。應奉著漢書後序。

注袁山松書曰刪史記漢書及漢記三百六十餘年。

自漢興至其時凡十七卷名曰漢事子劭集駁議其

見漢記四又論當時行著中漢輯序。臨邑侯復好

學能文與班固賈逵共述漢史子駒駱入東觀。劉

珍永寧元年詔珍與劉駒駱作建武已來名臣傳。駒

駱與珍著中興以下名臣列士傳。

正史

永平中班固陳宗尹敏子孟異共撰世祖本紀固又撰

列傳載紀二十八篇而紀傳始立安帝永初永寧

間劉珍駒駱張衡李尤等撰集為漢記於是又有

名臣列士傳焉永壽中則有崔寔邊韶延篤朱穆

鄧嗣伏無忌之著作熹平中則有盧植馬日磾蔡

邕韓說楊彪之補續又作靈紀及補諸列傳四十

二篇而紀傳益備唯書志缺邕以十意足之

隋志明帝召班固為蘭臺令史與陳宗尹敏孟異等

共成光武本紀固撰後漢事作列傳載紀二十八篇

其後劉珍劉毅劉陶伏無忌等相次著述東觀謂之漢

書。監生盧應元刊

記 吳華覈曰班固作漢書文辭典雅後劉珍劉毅
 等作漢記遠不及固叙傳尤然 唐劉知幾曰古之
 國史皆出一家惟後漢東觀大集群儒而著述無序
 條章靡立由是伯度譏其不實公理以為可焚張蔡
 糾之於當代傳范曄之於後葉 侯瑾案之為皇德
 傳應奉刪之為漢事華嶠定為漢後書司馬彪修為
 續漢書范曄集諸家為紀志列傳 文選魯靈光賦
 注引東觀漢記序漢以炎精布耀或幽而光 地理
 志南陽春陵師古注引漢記元朔五年封買為侯
 續志注引蔡邕表志

止史一

東平王蒼傳永平十五年春行幸東平帝以所作光
 武本紀示蒼蒼因上光武受命中興頌

續漢書 八志

隋志續漢書八十三卷晉祕書監司馬彪撰 鐫志 卷

晉司馬彪傳彪高陽王睦之長子泰始中為祕書

丞注莊子作九州春秋以為先王立史官以載善惡
 是以春秋不修則仲尼理之關睢既亂則師摯修之
 前哲豈好煩哉蓋不得已也漢氏中興迄于建安忠
 臣義士亦已昭著而時無良史記述煩雜譙周雖已
 刪除然猶未盡安順以下亡缺者多彪乃討論衆書

嘉靖癸丑年 三

綴其所聞起世祖終孝獻編年二百錄世十二為紀
志傳凡八十篇號續漢書魏志注引司 梁天監中
劉昭集注後漢一百八十卷昭注補志序曰永平執
簡東觀紀傳雖顯書志未聞推檢舊記先有地理張
衡靈憲天文已煥蔡邕協妙元卓律曆以詳承洽伯
始禮儀克舉郊廟社稷祭祀該明輪駢冠章車服贍
列於是應譙續其業董巴襲其軌司馬續書總為八志
律曆之篇仍乎洪邕車服之本即依董蔡儀祀得於
往制百官就乎故簿接繼班書通其流貫叔駿之書
是謂十典范序未周志遂全闕廼借舊志注以補之

分為三十卷以合范史 律曆 本劉洪蔡邕禮儀 胡

廣蔡邕兼周 祭祀 蔡邕 天文 五行 應劭董巴兼周

郡國 東觀記 伏無忌 幸 百官 東觀延壽著作表 輿服

蔡邕董巴 宋朝乾興元年十一月戊寅孫奭請校

定劉昭補注志三十卷鑄板頒行從之 或官輿服之

訓尤為詳備

漢後書 十典

晉華鬻傳武帝時典著作惠帝元康初以增有良史
之志轉秘書監嶠以漢記煩微慨然有改作之意為
臺郎典官制事由是徧觀祕籍遂就其緒起元終獻

一百九十五年為帝紀十二皇后紀二卷十典十卷
傳七十卷又三譜序傳目錄凡九十七卷易外戚傳
為皇后紀以次帝紀改志為典名漢後書奏之詔朝
臣會議時中書監荀勗等咸以矯文質事核有違國
風藏之祕府後汝南王亮衛瓘為東宮傅列上通鑑
矯撰十典未成子暢續之永嘉喪亂存者三十餘卷
隋志後漢書十七卷本紀對缺晉少府卿華嶠撰
唐志卷三晉諸公贊曰嶠撰後漢書世稱為良史
范史班固傳論略華嶠之辭
永平中班固尹敏等作世祖本紀及建武功臣列傳

永初中劉珍等作建武後至永初間紀傳及伏無忌
等作諸王王子恩澤侯并單于西羌地理志邊韶崔
寔等作皇后外戚順帝功臣傳百官表成百十四篇
號漢記熹平中盧植馬日磾蔡邕等續補為東觀漢
記合百二十六卷薛瑩華嶠之書皆取於此

後漢書

謝沉後漢書

宋書范曄為吏部郎元嘉元年左遷宣城太守不得
志乃刪眾家後漢書為一家之作至屈伸榮辱之際
未嘗不致意焉自序畧曰詳觀古今著述及評論殆
少可意者班氏最有高名既任情無例唯志可推耳

傳贍可不及之整理未必愧也吾雜傳論皆有精思
 深古至於循吏以下及六夷諸序論筆勢縱放實天
 下之奇作其中合者往往不減過秦篇贊自是吾文
 傑思殆無一字空設此書行故應有賞音者自古體
 大而思精未有此也 **隋志**後漢書九十七卷宋大
 子詹事范曄撰 **唐志**九十二卷論贊五卷 隋志讚
論四卷
中興書目後漢書一百二十卷 并劉昭補注志
曄
 作紀十志十列傳八十凡百篇十志未成初曄令謝儼
 撰志搜次垂畢會曄亡儼蠟以覆車一代為恨 梁劉
昭補
 成注引序例 唐章懷太子賢與張士
安劉謝言等為之注 **晁氏志**後漢

九十卷志三十卷曄叙作書之意以比方班氏然世
 多譏曄創為皇后紀及采風俗通王喬抱朴子左慈
 等詭譎事列於傳又贊辭佻巧失史之體 **史通漢**
中興以來劉珍等作漢記 見上 晉司馬彪為續漢書
 華嶠為漢後書 其十典
不成 自後作者相繼為編年者四
 族創紀傳者五家至宋宣城太守范曄乃廣集學徒
 窮覽舊籍刪煩補畧作後漢書會曄以罪被收十志
 未成先是晉袁宏抄撮漢氏後書依荀悅體著後漢
 紀三十篇 **南史**梁劉昭集後漢同異以注范曄後
 漢世稱博悉又吳均注後漢書九十卷 **唐志**章懷太

子賢注一百卷賢命劉訥言格希元等注

儀鳳元年二月二

日丙申皇太子賢上所注後漢書詔付秘書省

劉昭補注五十八卷劉熙注

范暉書一百二十二卷

韋機音義二十七卷蕭該劉

芳臧兢音合七卷

隋志臧兢范漢音訓三卷劉芳音一卷蕭該音三卷

晉謝沉傳有史才著後漢書百卷及毛詩漢書外傳行

於世其學在虞預之右

隋志吳謝承撰後漢書一

百三十卷

無帝紀唐志錄一卷志承撰後漢書百餘卷

吳晉薛瑩後漢記

六十五卷

本一百卷唐志華嶠書十七卷

本九十七卷今殘缺謝沉

書八十五卷

本一百一十二卷唐志

張瑩後漢南記

四十五卷

本五十五卷

袁山松書九十五卷

本一百一十卷

正史

此書

晉本傳

志

後漢書

續

宋

范曄書九十七卷

讀四卷漢書續十八卷梁劉昭

注曄書一百二十五卷

梁有蕭子顯書一百卷王韶

後漢林二百卷

韋閻書二卷雜史有漢侍中劉艾撰

二帝紀三卷

梁

張緝後漢畧二十五卷唐志為洪

後漢書鈔三十卷

文心雕龍後漢紀傳發源東觀

袁張備駁蓋謝

繆若司馬亮之詳實華嶠之雅當

則其冠也

三國志

晉陳壽傳壽為著作郎集三國志凡六十五篇時人

齊甚善序事有良文亦張華深善之曰當以晉書相
付夏侯湛時著魏書見壽所作而罷元康七年尚書
郎范頴等上奏曰故治書侍御史壽作三國志辭多
勸戒有益風化文豔不及相如而質直過之詔洛陽
令就家寫其書不為丁儀立傳又言諸葛亮將畧非
長議者少之壽又撰古國志五十篇益部耆舊傳十
篇壽定著葛亮故隋志晉陳壽三國志六十五卷
叙錄一卷宋裴松之注何常侍論九卷徐爰評三卷
唐志晉王濤序評三卷盧宗道魏志音義一卷三國
鼎峙魏氏及吳並有史官晉時巴西陳壽別集三國

之事唯魏帝為紀其功臣及吳蜀之主並為傳各依
其國部類相從唐志魏志二十卷蜀十五卷吳二
十一卷中興書目初王沈撰魏書四十八卷為時

諱惡殊非實錄項峻撰吳書韋昭續成之五十五卷
隋志二卷壽集為三國志撰魏紀四列傳二十六吳列
傳二十蜀列傳十五史通先是魏魚豢私撰魏畧

卷五後孫盛撰魏氏春秋卷二十王隱撰蜀記七卷張
勃撰吳錄卷三十宋文帝以志簡畧命裴松之兼采眾

書補注其缺世言三國志以裴注為本元嘉六年七月二十四日

上之表云詔使采三國異同以注國志壽書銓序可
觀事多審正近世之嘉史然失在於畧時有脫漏臣
萬曆丁亥年

上搜舊聞傍據遺逸頗以愚意有所論辨注引吳

歷隋志有晉環濟吳紀九卷吳左右國史薛瑩

華覈陰澹後魏書梁祚撰并陳壽三國志名曰

國統隋志雜史魏國統二十卷文中子陳壽有志於史依大義

而削異端 晁氏志以魏為紀而稱漢吳為傳又改

漢曰蜀世頗譏其失 蜀志注引孫盛異同記又引

蜀記孫盛蜀世譜譙周蜀本紀

晉史 晉紀 晉書 晉中興書 十志

列傳王隱父銓有著述之志私錄晉事未就隱受父

業西都舊事多所諳究太興初元帝召為著作郎隱及

俱為著作郎令撰晉史晉春秋云王隱著國史成八十八卷時虞預私撰晉

正史

書而生長東南不知中朝事數訪於隱并借隱所著

書竊寫之隱依庾亮亮供紙筆乃成書請闕上之文

辭鄙拙蕪舛不倫其書次第可觀者其父所撰文體

混漫者隱之作也本九十三卷隋志八十六卷干

寶博覽書記中興草創未建史官中書監王導上疏

宜建立國史撰集帝紀宜備史官敕佐著作郎干寶等

撰集於是著晉紀自宣迄愍五十三年凡二十卷奏

之其書簡直而婉稱良史隋志二十三卷虞預著

晉書四十四卷隋志二十六卷會稽典錄二十篇諸虞

傳十二篇行於世 謝沈有史才康帝時為著作撰

萬曆丁亥年

三

三

監生于光烈刊

晉書三十餘卷沈先著後漢書百卷及漢書外傳

郗紹作晉中興書何法盛竊之凡七十八卷起東晉

徐廣領著作敕撰成國史廣舉荀伯子王韶之義

熙初十二年成晉紀四十六卷上之隋志四十五卷鄧粲著

元明紀十篇隋志十一卷文心雕荀綽撰晉後

書十五篇隋志綽晉後東晉武帝時佐著作郎撰

晉書帝紀十志著晉書紀志南史裴松之著晉紀

謝靈運為秘書監撰晉書粗立條流沈約撰一

百二十卷條流雖舉采掇未周失第五秩齊臧榮

緒括東西晉為一書紀錄志傳百一十卷後魏書

崔浩以晉書諸家多誤著晉後書未就傳世者五十餘卷

元帝建武元年十一月丁卯置史官

晉史十八家

隋志晉書有王隱八十六卷虞預二十三卷朱鳳十

卷本十四卷訖元帝謝靈運三十六卷臧榮緒一百

十卷蕭子雲十一卷本一百二卷梁有鄭忠七卷

又蕭子顯晉史草三十卷梁張緬晉中興書有何法

書鈔三十卷張氏晉書鴻烈六卷盛七十八卷晉紀有陸機四卷干寶二十三卷曹嘉

之十卷鄧粲十一卷宋劉謙之二十五卷南史云二

十卷 王韶之 十卷 徐廣 四十五卷 郭季產續 五卷 陽

秋有習鑿齒孫盛檀道鸞之書 卷見上 又有荀綽晉

後畧記 五卷 唐志又有晉錄五卷

貞觀二十年閏三月詔曰十有八家雖存記注才非

良史書虧實錄榮緒煩而寡要行思勞而少功叔寧

味同畫餅子雲學堙涸流處叔不預於中興法盛莫

通於創業洎乎于陸曹鄧畧紀帝王鸞盛廣松纒編

載祀其文既野其事罕有

唐御撰晉書

志房玄齡褚遂良許敬宗來濟陸元仕劉子翼令狐

正史

梁李延壽等二十一人修名為御撰一書

晉書正觀二十年閏三月四日詔宜令修

撰晉書銓次舊聞裁成義類如修五代史故

司空房玄齡中書令褚遂良太子左庶子許

其宣來濟陸元佐劉翼李淳風李義府薛元

儀崔行功辛玄馭劉胤之楊仁卿李延壽張

分功撰錄今孤德榮敬播李安儀李懷儼詳其

以成榮緒晉書為本為十紀十志七十列傳三

言其太宗所著宣武二帝及陸機王羲之四論

言其房玄齡已下稱史臣凡起例皆播獨劉其

高晉天南

皇太子及新羅使者各一部案使時有
引傳今孤德榮會修晉文房玄嵩奏
德榮為先進類例多所詆定
撰晉書大抵凡例皆播所創
書目太宗以晉
法威等十八家制作雖多未能盡善於是錄採
撰善職讀計十部系列偽史命來濟李淳風李義
中三人分掌著述令孤德榮敬播等四人考正
凡例多出敬播天文律歷則李淳風為之惟宣
世王傳論太宗自為之故總題曰御撰云當
出多文辭之士好來詭無以廣聞見學者識之

實六載何超撰音義三卷 唐志又有徐歷
百十卷又開元二十年高希嶠上注晉書
卷

宋書 宋畧

唐志沈約宋書一百卷王智深三十卷又宋
卷裴子野宋畧二十卷鮑衡卿王琰宋春秋
卷 隋志宋書徐爰孫巖撰皆六十五卷畧
明中所撰六十一卷沈約撰齊紀二十卷
齊建元四年敕撰國史永明二年兼著作
居法五年春敕撰宋書六年二月畢上之

文元嘉中著作郎何承天草創紀傳帝本
自此外委山謙之又命裴松之續成國
孫冲之表求別自創立為一家之言孝建初
續造諸傳元嘉名臣皆其所撰大明六年徐
前作起義大明初其臧質魯爽王僧達諸傳又
所造沈約本承天舊書兼採謙之冲之實生
為宋畧二十卷叙事詳於史書約見兩漢
十列傳六十合百卷唐志同志於本朝
為宋畧二十卷叙事詳於史書約見兩漢

速也世言宋史者以裴畧為上沈書次之中興書目卷同

齊書 齊典 齊春秋 齊紀 十志
唐志蕭子顯齊書六十卷 書目今存五十九卷初

江淹著十志沈約著齊紀二十卷子顯表於梁武別
為此書紀八志十一列傳四十公五十九篇天文志但紀

災祥州郡不著戶口祥瑞多載圖識表言素不知戶
口且天文復秘不私載焉曾鞏序謂子顯之文喜自

馳騁其更改破析藻續之變尤多吳均亦表請撰齊
史遂撰齊春秋三十篇唐志南史熊襄著齊典上

起十代其序云尚書堯典謂之虞書則附所述通謂

之齊書名為河洛金匱

隋志齊典五卷王逸撰梁

有江淹齊史十三卷

齊建元二年初置史官以檀超江淹掌史職上表立

條例又著十志淹言修史之難無出於志

梁書 梁典

唐志姚思廉梁書五十六卷純六列傳五十

隋志

梁典三十卷劉璠撰三十卷何之元撰唐志存謝吳二十九卷

姚思廉傳父察在隋修梁陳二史未就採謝吳顧

野王等諸家推究總括為梁陳二家史以卒父業賜

雜綵五百段陳顧野王撰國史陳書紀傳二百卷史通梁武帝時周

興嗣鮑衡卿謝吳吳四百十九卷本百卷撰錄已百篇後亡逸何

之元劉璠合撰梁典三十篇之元著梁典起齊永元元年迄于王琳遇獲七

十五年行事為二十卷姚察梁書云云

陳書

唐志姚思廉陳書三十六卷紀六列傳五十魏徵等

同撰 史通陳史初有顧野王傳緯大建初陸瓊續

撰陸瓊陳書四十二卷姚察刪改察有志修梁陳二史至貞觀

初三其子思廉為著作佐郎續成之魏徵唯裁其總論

陳書歷三世傳父子數十歲而後成嘉祐六年八月

校讎八年七月始校定

後魏書 魏典

北齊天保二年詔魏收撰魏史勒成十一紀九十二
 列傳合一百一十卷五年三月奏上之十一月奏十
 志天象地形至官氏釋老凡二十卷合一百三十卷
 分爲十二表隋以魏收所撰書多失實平繪爲中
 興書事不倫序詔魏澹別成魏史爲十二紀七十八
 列傳史論及例各一卷合九十二卷書目今收書
 紀闕二卷傳闕二十二卷不全者三卷志闕二卷補
 以魏澹張太素所作及北史高氏小史修文殿御覽
 澹及太素書今亡

唐志魏收後魏書一百三十卷魏澹一

百七卷張太素一百卷裴安時元魏書三十卷唐

舊史張太素撰後魏書一百卷天文志未成一行續

成之志又有張太素魏書百卷隋志魏彥深撰一百卷唐元

行冲傳以系出拓拔恨史無編年乃撰魏典三十篇

事詳文約學者尚之會要景龍三年十二月志雜

史類魏典三十卷

北齊書

唐志李百藥五十卷紀八列傳四十二

後周書

唐志令狐德棻五十卷紀八傳四十二

隋書

唐志隋書八十五卷志三十卷紀傳五十五卷顏師

古孔穎達于志寧李淳風韋安化李延壽與令狐德

蔡敬播趙弘智魏徵等撰會要顯慶四年二月司

更大夫呂才著隋紀二十卷

唐五家史梁陳齊五代史志

令狐德蔡傳武德初為秘書丞會要武德四年十一月起居舍人德蔡言

建言近代無正史梁陳齊文籍猶可據至周隋事多

捐脫今耳目尚相及史有所憑一易世事皆汨暗無

所掇拾陛下受禪于隋隋承周二祖功業多在周今

記

不論次各為一王史則先烈世庸不光明後無傳焉

帝喟然於是五年十二月詔中書令蕭瑀王敬業殷

閏禮主魏封德彝顏師古主隋崔善為孔紹安蕭德

言主梁裴矩祖孝孫魏徵主齊竇璡歐陽詢姚思廉

主陳陳叔達庾儉及德蔡主周由魏迄隋振整論撰

歷年不能就罷之貞觀二年復詔撰定議者以魏有魏收魏澹二

家已詳惟五家史當立會要三德蔡更與秘書郎

岑文本殿中崔仁師次周中書舍人李百藥次齊著

作郎姚思廉次梁陳秘書監魏徵次隋左僕射房玄

齡總監修撰之原自德蔡發之書成賜絹四百匹遷

禮部侍郎 **會要**貞觀十年正月二十日壬子尚書

左僕射房玄齡等撰成周梁陳齊隋五史上之進階

頒賜有差顯慶元年五月四日巳卯史官修梁齊陳

周隋五代志三十卷 始禮儀太尉無忌進之 正觀十

于志寧李淳風李延壽同修五代史志勒成十志三十卷

十卷後編入隋書合八十五卷 孫思邈傳魏徵等修齊梁周

隋等五家史屢咨所遺其傳最詳 志又有吳兢齊

史十卷梁史十卷陳史五卷周史十卷隋史二十卷

張大素北齊書二十卷隋書三十二卷雜史有張絢

古五代新記二卷 **舊史**貞觀十年春正月壬子左

正史

僕射房玄齡侍中魏徵上梁陳齊周隋五代史詔藏

于秘閣吳兢以五代史繁雜乃別撰梁齊周史各十

卷陳史五卷隋史二十卷又傷踈畧 **文中子**繁師

元將著北齊錄子曰無苟作也 **晁氏志**嘉祐中以

宋齊梁陳魏北齊周書外繆亡缺始命館職讎校曾

鞏等請詔藏書之家悉上異本久之始集治平中鞏

校定南齊梁陳三書上之劉恕等上後魏書王安國

上周書政和中始皆畢頒之學官

唐南北史

李延壽傳父大師多識前世舊事常以宋齊梁陳魏

周隋天下參隔南謂北為索虜北指南為島夷其史本國詳他國畧訾美失傳思所以改正擬春秋編作

刊究南北事未成而沒延壽既預論撰所見益廣貞觀以來乃追修先志本魏登國元年盡隋義寧二

年貞觀以來乃追修先志本魏登國元年盡隋義寧二作本紀十二列傳八十八謂之北史本

宋永初元年盡陳禎明三年貞觀以來乃追修先志本魏登國元年盡隋義寧二作本紀十列傳

七十謂之南史其書頗有條理刪落釀辭過本書遠

甚凡八代合為二書一百八志李延壽南史八十

卷北史一百卷會要顯慶四年符璽郎李延壽撰

近代諸史南起自宋終於陳北始自魏卒於隋合一

百八十篇號曰南北史上自製序

唐七十家正史

志元部史錄十二類一曰正史類七十家九十部四

十八十五卷失姓名二家始於司馬遷史記終於隋

書志有集史七十三家六十九部見後司馬氏

史記有裴駟徐廣鄒誕生許子儒劉伯莊之音解班

氏漢書有服虔應劭諸葛亮孟康晉灼韋昭崔浩孔

文祥劉勰夏侯詵包愷蕭該陰景倫項斌劉寶陸澄

韋稜姚察顏游秦僧務靜李善顏胤顏師古之音注

論駁及高宗之銓定失姓名正名氏義英華二家東

漢則有劉珍謝承陸瑩司馬彪劉義慶華峯謝沈袁
山松范曄裴瑩之書劉昭劉熙蕭該劉芳臧兢太子
賢章裴之補注音義三國有王沉陳壽章昭晉有王
隱虞預朱鳳謝靈運戚榮緒干寶蕭子雲何法盛及
房玄齡等所修宋有徐爰孫嚴沈約王智深齊梁陳
有蕭子顯劉陟謝昊姚察顧野王傅縡姚思廉元魏
北齊周隋有魏收魏澹李德材王劼張大素李百藥
令狐德棻顏師古等不著錄者王元感至裴安時二
十一家一千七百九十卷史記之學則有王元感徐
勣李嶺陳伯宣韓琬司馬禎劉伯莊張守節竇群裴

安時漢書之學則劉伯莊敬播元懷景姚珽沈遵李
善晉書音注則徐堅高希嶠何超及齊梁陳周隋之
史武德貞觀兩朝史吳兢等唐書國史至裴安時元
魏書終焉 **隋志**正史六十七部三千八十三卷通

二書合八十部四千三十卷 雜史類阮孝緒撰正
史削繁九十四卷 古

者天子諸侯有國史以紀言行春秋引周志鄭書漢
始置太史公自是世有著述皆擬班馬以為正史作
者尤廣一代之史至數十家唯史漢師法相傳並有

解釋三國後漢亦有音注 **中興書目**三十二家二

千一百二十九卷 **續目**三家七十一卷 **崇文目**

萬曆十六年 **監生馮曾可刊**

三十部一千一百六十二卷 景德二年龍圖閣書
正史一千四百四十九卷

唐承天命世以文理典籍之盛莫若開元竹簡漆書
咸萃秘府鴻生鉅學纂續志錄書分四類其二曰史
史分十三類其一曰正史繇漢迄隋篇目彪列藝文
有志具詳登載爲部九十爲卷四千八十五總爲七
十家失名氏者二家遺文古事靡不畢集觀書於太
史氏上下數千載之述作粲然可考庸撮其要指序
于篇端曰史與經同出而異名若昔四史昉于黃序
五史建於蒼籙右言左動官宿其業言爲尚書紀謨

正史

訓而舉其綱事爲春秋繫日月而詳其目紀傳猶未
分也邦國之志掌于小史百十二國寶書藏于周室
私史猶未作也自鄭書晉乘魯史秦記而國各有史
如南董左氏之流史猶出於一家也逮漢六葉有臣
曰遷罔羅舊聞終篇麟止而編年之體始變班劉而
下波沿景附猶未有正史之名也貴耳賤目見聞異
辭而史始雜餘分閏位記注並作而史始爲礮玉錯
陳朱紫易混繇是條分科別粹然一出於正者編爲
正史隋志所錄六十七部三千八十三卷一代史籍
至數十家而紀載益詳史漢訓詁師法相傳而義例

益明或書事記言於當時而勒成剛定於後代大策
小牘支蕃葉滋温故知新聳善抑惡皆足以昭法式
垂勸戒豈誇多而愛奇哉有唐肇基龔經補藝五代
史成於正觀之十禩兩朝史成於顯慶之初元然乙
部著錄尚仍隋舊籤勝紛糾寢失緒次號登開元名
儒建議乾元麗正博彙群書臣述臣欽分部治史越
九年仲冬丙辰臣行冲奏上四錄卷析二百臣照刪
爲四十卷凡史錄五百七十一家八百五十七部一
萬六千八百七十四卷曰編年曰僞史雜史曰起居
注故事曰職官傳記儀注曰刑罰目錄譜牒地理而

正史居其首即篇目考之史記本於司馬氏而裴徐
鄒許劉之音解列焉漢書本於班氏而服應孟晉崔
孔諸葛夏侯包蕭陰項陸姚李顧二韋二劉二顏務
靜之音注論駁及高宗銓定名氏英華附焉東漢始
於劉珍之記二謝薛司馬劉華袁范張譔其書三劉
蕭臧及太子賢韋機釋其義以至王沈陳壽韋昭纂
三國之事隱預鳳靈運榮緒寶子雲法盛元齡輯二
晉之史宋齊梁陳則徐孫沈王蕭劉謝顧傳二姚續
汗青之緒元魏北齊周隋則二魏王張三季令孤顏
氏擅載筆之美縹囊碧軸淵聚林嶧治亂興替之鑒

監生 卷四十六
是非褒貶之論袞斧於既往著蔡於將來天球河圖
金匱玉版成一王法為萬世則緯經綴道囊括古今
茲七十家之醇駁雖殊而廣記備言不可以闕遺也
或者猶曰史之失自遷固始夫叙一時之事編年為
善叙一人之事紀傳為優旨哉皇甫湜之言曰合聖
人之經以心不以迹得良史之體在適不在同吾有
取焉緬稽唐朝簡冊尤備倣四繫之灋則有唐曆春
秋總二史之載則有起居注實錄書政事議論之詳
則有日曆時政記會要肇於正元王牒初於開成惟
紀表志傳為一代鉅典冠冕史錄其以是與按六典

正史

卷部與隋志同藝文志正史之末附以通史南北史
之屬五家六部一千二百二十二卷謂之集史諸儒
立言日新月益不著錄之書若王元感之下徐李陳
韓司馬劉張竇裴皆史記之學也劉伯莊之下敬元
姚沈李徐高何皆漢晉書之學也繼以武德正觀兩
朝史齊梁陳周隋史唐書國史終於裴安時元魏書
凡二十三家為卷一千七百九十皇朝崇文總目三
十部二千一百六十二卷云 擬序

唐武德貞觀兩朝史

志八十卷長孫無忌令孤德棻顧胤等撰

會要顯

慶元年七月二日無忌于志寧崔敦禮令狐德棻李義府劉胤之楊仁卿李延壽張文恭修國史成起義寧盡貞觀末凡八十一卷藏於內府 **通監咸亨四年三月丙申詔劉仁軌等改修國史以許敬宗等所記多不實故也** **會要**長安三年正月一日敕李嶠等修唐史采四方之志成一家之言

唐武德以來國史 唐史 唐國史

唐書備 闕記

韋述傳初令狐德棻吳兢等撰武德以來國史皆不能成述因二家參以後事遂分紀傳又為例一篇 開元

二十九年蕭嵩欲蚤就復奏起居舍人賈登著作佐郎李銳助述紬績逮成文約事詳蕭穎士以為譙周陳壽之流改國子司業充集賢學士述典圖書踰四十年任史官二十年史才博識所著書二百餘篇行於時 **柳芳傳**肅宗詔芳與述綴輯吳兢所次國史述亡芳緒成之興高祖訖乾元凡百三十篇叙天寶後事弃取不倫史官病之 舊史云芳勒成國 **吳兢傳**景龍間任史事私撰唐書唐春秋未就至開元中丐官筆札異得成書詔就集賢院論次時張說在家修史大臣奏國史不容在外詔兢赴館撰錄久之荊州

司馬以史草自隨蕭嵩領國史奏遣使者就兢取書得六十餘篇舊史云奏取國史為則天志唐書一百卷又百

一十卷吳兢韋述柳芳于休烈等撰國史百六卷又百

百十三卷雜史吳兢唐書備關記十卷書月卷同集

卷國史百六卷又百十三卷吳兢傳撰唐書唐春秋

未就詔就集賢院論次柳芳傳亦曰芳緒成國史與

高祖託乾元凡百三十篇舊傳韋述補遺續關勒成

舊史德業累有修撰未成一家言韋述

定類例補遺續關史一百十三卷并史例

卷事簡記詳有百史之才集賢注記史館舊有

狐德茶所撰國史及唐書皆為紀傳之體令狐蘄

主貞觀牛鳳及迄于永淳及吳長垣在史職又別撰

唐書一百一十卷下至開元之初韋述綴緝二部益

又垂拱後事別欲勒成紀傳之書蕭令高欲早就奏

實登李銳太常博士褚思光助之又奏陸善經梁令

突入院歲餘不就張始興為相薦起忌舍人李融專

其真事諫議尹愔入館為史官未施功而罷詳規

又見史館

史通長壽中春官侍郎牛鳳及斷自武德終于弘道撰為唐書百有十卷發言怪誕叙事參差既而悉焚姚思廉許敬宗諸本欲使其書獨行由是皇家舊事殘缺盡矣

舊史于休烈奏國史一百六卷開元實錄四十七卷起居注并餘書三千六百八十二卷並在興慶宮史館以家藏國史一百十三卷送于官

志目錄類唐

書叙例目錄一卷孫玉汝列聖實錄目二十五卷

張說曰高宗朝修史學士有十九人李翱曰唐有天下聖明繼於周漢而史官叙事曾不如范曄陳壽

所為

唐在外脩史

會要開元八年十二月二十日詔張說脩國史仍齎

史本就并州隨軍脩撰雖致仕一歲亦脩史於家十四年七月六

日敕吳兢就集賢院脩唐書二十五年六月二十六

日詔左丞相張說在家修史李元紘奏就史館從之

長慶三年六月監脩國史杜元穎奏班固居鄉里而

繼成漢書陳壽處私家而專精國志玄宗國史張說

在本鎮兼修代宗編年令狐峒自外郡奏上其沈傳

師分修憲宗實錄就湖南修畢先送史館制可史通曰班

固成書出自家庭陳壽為志創於私室

宋朝宋祁就亳州修唐書皇祐三年三月乙卯汪藻即湖州領

日曆紹興初

唐書 嘉祐新唐書

中興書目五代晉宰相劉昫史官張昭遠等撰唐三

百年間國史野錄參錯不一至昫刪集為紀二十志

五十列傳一百五十凡二百卷開運二年六月上計

二十帙 國史志慶曆五年五月四日巳未詔王堯

臣張方平宋祁等刊修慶曆四年賈昌朝建議脩唐書久而未就至

和初至和元年八月戊申乃命歐陽脩撰紀表志宋祁撰列傳

正史

范鎮王疇宋敏求呂夏卿劉義叟同編修嘉祐三年十月庚子

命參政曾公亮提點編脩唐書凡十有七年至嘉祐五年而成提舉

曾公亮上之七月戊戌一本云六月二十四日進呈紀十志五十表十

五列傳百五十凡廢舊傳六十一增新傳三百三十

一又增三志四表凡二百二十五卷錄一卷舊史凡

十萬字新史凡一百七十五萬九百三十字制詞謂製富精覈度越諸子脩等進秩庚

宣和中進士李繪以舊書參新書而為之注崇寧五

年董衡為釋音二十五卷吳縝糾繆二十卷 宋祁

傳修唐書十餘年皇祐元年自出亳州皆以藁自隨撰

列傳一百五十卷 進唐書表唐有天下幾三百年

萬曆十七年

三

益主施可七

其君臣行事之始終所以治亂興衰之迹與其典章
 制度之英宜其粲然著在簡冊而紀次無法詳畧失
 中文承不明事實零落蓋百有五十年然後得以發
 揮幽昧補緝闕亡黜正偽謬克備一家之史其事則
 增於前其文則省於舊至於名篇著目有革有因立
 傳紀實或增或損義類凡例具載別錄 **晁氏志** 劉
 煦因帝述舊史增損以成繁畧不均多所漏闕又是
 非失實嘉祐中歐陽修宋祁撰新書議者頗謂未叙
 學春秋每務褒貶子京通小學唯刻意文章采雜說
 既多有失實之歎 樊先生注新書紀十卷

呂夏卿唐書直筆新例一卷

五代史 五代史記

中興書目 一百五十卷薛居正等撰 開寶六年西

月二十五日戊申詔梁後唐晉漢周五代史宜令參

政薛居正監脩盧多遜扈蒙張澹李穆李昉等同修

七年閏十月甲子書成凡百五十卷目錄二卷賜器

帛有差其事凡記十四帝五十三年為紀六十一志

十二傳七十七 其書取建康實錄為準 書目又七

十四卷歐陽脩撰徐無黨注紀十二傳四十五考三

世家及年譜十四夷附錄三總七十四卷脩沒後

五年八月詔其家上之十年五月吳縝纂誤三卷
天聖五年二月丙申楊及上重修五代史上謂輔
臣曰五代事不足法王曾曰安危之迹亦可監也

淳化太祖紀

雍熙四年九月直史館胡三請修紀表志傳詔以文
館西廊置修史院淳化五年十月丙午翰林學士張
洎等上重修太祖紀十卷以朱墨雜書凡躬承聖問
及史官採摭之事即朱以別之先是淳化五年四月
癸未以李至張洎張佖范杲同修國史咸平元年
八月壬戌修國史內翰宋白上言請與學士宋濂秘

閣校主吳淑等同就祕閣編錄太祖國朝史從之其
後白等又請錢若水同修詔可

魏太和以史職隸中書唐正觀移史館於門下我朝
因之率以台鉉典領

景德太祖太宗兩朝史

景德四年八月丁巳二十詔修太祖太宗正史令宰
臣王旦監脩國史以知樞密院王欽若陳堯叟參政
趙安仁並脩國史翰林晁迥楊億同修直史館路振
崔遵度為編脩官先是九月辛卯賜宴脩史院三年
二月辛巳詔知制誥朱巽直史館張復同編排兩朝

日曆時政記起居注行狀諸司文字委欽若總領初
成紀一卷帝取觀錄紀中十二餘條付史官改正身
此每一二卷皆先進草本多所改易祥符四年又取
夏竦為編脩官八年十月己丑旦等上太祖太宗紀
實論各一首九年二月十二日丁亥史志旦率史官
請崇政殿以獻凡百二十卷目錄一卷帝紀六太祖
太宗各三志五十五天文三地理七律歷三禮四五
行二藝文七樂三職官九河渠二選舉三輿服三食
貨二兵三刑法二列傳五十九后妃一宗室一臣僚
四三八四夷九優詔答之戊子知旦守司徒修史言

趙安仁晁迥陳彭年夏竦崔遵度竝進秩賜物王欽
若陳堯叟楊億嘗預修亦賜之

天聖三朝國史

第賜器幣襲衣金帶
命宴于脩國史院
二朝政節 三朝聖政 見後

祥符九年監修國史王旦上太祖太宗兩朝國史其
修真宗實錄未為紀傳天聖五年二月癸酉仁宗詔
曰先朝正史久而未修年紀寢遠事成淪墜宜令參
政呂夷簡副樞密夏竦修國史宋綬劉筠陳堯佐同
修仍命宰臣王曾監修又命館閣王舉正李淑黃鑑
謝絳為編脩復命馮元同修初於宣徽院編纂後移
中書命三司檢討食貨事件三館供借書籍擇司天

官編綴天文律歷志帝紀贊論呂夷簡奉詔撰紀即夷簡夏竦修撰餘皆同編脩分功撰錄六年八月詔別修志傳委綬看詳其帝紀專委夷簡竦八年六月十一日癸巳夷簡等曾率夷簡上詣崇政殿上進賜宴遷官賜衣帶器幣先是太祖太宗紀六志五十五傳五十九目錄一凡百二十卷至是修真宗史成增紀為十志為六十傳為八十摠百五十卷此所謂三朝國史也凡紀十卷志增遺釋符瑞為六十卷列傳八十卷總一百五十卷甲午夏竦等遷官各賜襲衣金犀帶器幣有差監脩而下進秩而夷簡辭之

熙寧修仁宗英宗兩朝正史

熙寧十年五月戊午詔修仁宗英宗兩朝正史以宰臣吳充提舉龍圖閣直學士史館修撰宋敏求編集賢院學士蘇頌同集賢校理王存黃履林希同為編修官七月辛未率官屬以二帝紀草二冊進呈上服靴袍御資政殿學士內侍進案充與敏求進讀上立而覽之顧問反覆至讀畢始坐充等降階以謝又命坐賜茶

元豐兩朝正史

熙寧十年丁巳五月戊午命官修兩朝正史元豐五

年六月甲寅修成一百二十卷紀五卷志四十五卷

天文至河渠傳七十卷比之實錄事迹頗多但非冠

上御垂拱殿引監修國史王珪修史官蒲宗孟李清

臣王存趙彥若曾肇進讀紀賜珪宗孟銀絹對衣金

帶清臣等遷官及與脩史官蘇頌黃履林希蔡卞劉

奉世以他職罷去各賜銀絹有差故相吳克故史館

脩撰宋敏求賜銀絹七月丁未以史成燕垂拱殿燕脩

三朝史天聖五年二月修至八年六月成凡歷四年

兩朝史熙寧十年五月戊午修至元豐四年六月

成凡歷五年

成凡歷五年

元豐脩五朝史

四年七月二十四日己酉詔直龍圖閣曾肇素以史

學見稱士類見脩兩朝國史將畢當與三朝史通修

成書是年十一月脩院入史宜以肇充史館脩撰專典史事

十一月肇上太祖總論不稱上意五年四月遂罷修

五朝史

紹興七朝史

九年正月丙申叶王鈺上元祐八年補錄及七朝

國史遷一秩銜以建隆至元符信史屢更書多重複

魚尾

乃以七朝國史自紀志傳外蓋以宰執宗室世表公卿百官年表然所修不克成

終興修三朝史

二十八年八月戊子朔置國史院修三朝正史七

丙子置國史院三十一年授舉陳康伯奏乞進呈帝紀三十六

卷至乾道二年閏九月二十九日己巳上與太上皇

帝聖政月進呈奉安于顯謨閣

淳熙修四朝史

淳熙五年四月禮部侍郎同修史李燾言今修四朝

正史開院已十七年自開院至咸精乞降睿旨責以

近限庶幾大典早獲備具詔限一年至七年十二月

十二日國史院上四朝正史志一百八十卷李燾之

多承續手錄十二年七月同修史洪邁奏神宗至于

欽宗傳叙相授閱六十五年除紀志已進外當立傳

者千三百人其間妃嬪親王公主宗室幾當其半乞

做前代諸史體別分類載述不必人為一傳至十三

年十一月十七日國史列傳一百三十五卷首

目錄二卷初乾道二年胡元質言三朝之史開院

纂輯累年于茲竊見靖康繼宣和之後以功緒本末

則相關以歲月久近則相繼伏望併修欽宗帝紀

高宗皇帝

進名為西朝國史四年三月二十四日詔進是欽宗實錄并本紀已畢就修纂四朝正史從洪邁之請也

十三年八月十九日邁又請通修九朝正史上詩之

復言制作之事已經先正名臣之手是非褒貶皆有

据依乞命史官無或刪改書未就而邁去國

初元祐七年七月十二日詔范祖禹趙彥若修神宗

正史呂太防提舉八年三月二十二日己亥進紀草

元符元年四月進帝紀二冊崇寧三年書成八月三

日進大觀四年四月二十九日命鄭久中等脩

哲宗正史政和二年四月三日帝紀成四年五月二

十二日進哲宗正史帝紀表志傳目錄總二百十卷

淳熙東都事畧

淳熙十三年八月二十六日知龍州王稱上東都事

畧百十三卷紀十一世家五列傳百五附錄八明年春三月除直秘

閣其書特掇取五朝史傳及四朝實錄附傳而微以

野史附益之

淳祐四朝史

淳祐二年二月進紀十一年命史官分撰志傳編修

官王撫撰輿服志四卷寶祐二年八月二十三日癸

巳進志傳五年閏四月四日修潤上之

宋朝蘇氏古史

劉義叟十三代史志

書目六十卷蘇轍作因司馬遷史記上觀詩書下考春秋及秦漢雜錄起伏羲神農訖秦始皇帝為七本紀十六世家三十七列傳謂之古史紹聖二年三月成子遜為注其去取之意劉義叟著十三代史志劉氏輯歷春秋災異南北史韻目

古者無國無史史未嘗一日無書漢法大史公位丞相上唐及本朝宰相兼史官其重如此故書榻前議論之辭則有時政記錄柱下見聞之實則有起居注

正史

類而次之謂之日曆修而成之謂之實錄所以廣記備言垂一代之典也韓宣子見易象魯春秋而知周公之德則守文者不可無史蕭何收秦圖書而知天下阨塞戶口彊弱則創業者不可無史江淹有言修史之難無出於志司馬遷曰書班固曰志蔡邕曰意華嶠曰典張勃曰錄何法盛曰說餘史並謂之志古所謂良史者明周萬事之理道適天下之用智足以通難知之德文足以發難顯之情司馬談之子遷劉向之子歆班彪之子固王銓之子隱姚察之子簡李大師之子延壽劉知幾之子鍊繼世汗簡

嘉靖庚戌年

巨每卷四十一

五十二

非遷固之博聞不足以 羅放失非南董之遺直不
足以裁正是非 通倚相丘索之書專羊彤春秋之
學 光武注記定於永平神堯實錄上於正觀 采
四方之志成一家之言 業鉅事叢簡策拏繁 蕭
斧衮章一言褒貶芸籤縹表百世勸懲 綜覈班紀
發揮蒼籀 鈎深學海囊括詞林 玉琰其版金滕
其匱 四皇墳六帝典

在漢之初史職為盛郡國文計先集太史之府欲其
詳悉於體國也必閱石室啓金匱抽裂帛檢殘竹欲
其博練於稽古也是立義選言宜依經以樹則勸戒

正史

與奪必附聖以居宗然後銓評昭整苛濫不作矣然
紀傳為式編年綴事文非汎論按實而書歲遠則同
異難密事積則起訖易踈斯固揔會之為難也或有
同歸一事而數人分功兩記則失於複重偏舉則病
於不周此又銓配之未易也俗皆愛奇莫顧實理傳
聞而欲偉其事錄遠而欲詳其跡於是弃同即異穿
鑿傍說舊史所無我書則傳此訛濫之本源而述遠
之巨蠹也

玉海卷第四十六

玉海卷第四十六

五十三

